

醫門法律六

子仙珍藏

天

四

醫門法律卷六諸方目錄

消渴門方

金匱腎氣丸

金匱文蛤散

金匱白虎加人參湯

竹葉黃芪湯

生地黄飲子

錢氏白朮散

宣明黃連湯

宣明麥門冬飲子

易老門冬飲子

猪肚丸

爛金丸

潔古化水丹

黃連膏

生地黄膏

天門冬丸

猪腎薺菘湯

腎瀝散

白茯苓丸

忍冬丸

藍葉散

紫蘇湯

烏梅木瓜湯

殺蟲方

虛勞門方

金匱桂枝龍骨牡蠣湯

金匱天雄散

金匱小建中湯

金匱黃芪建中湯

樂令建中湯

十四味建中湯

金匱八味腎氣丸

方見前

金匱薯蕷丸

金匱酸棗仁湯

金匱大黃廬蟲丸

金匱附千金翼炙甘草湯

金匱附肘後獺肝散

十全大補散

聖愈湯

黑地黄丸

還少丹

人參養榮湯

參朮膏

人參散

保真湯

三才封髓丹

天真丸

麥煎散

人參地骨皮散

東垣補中益氣湯

東垣益胃升陽湯

丹谿大補陰丸

丹谿補陰丸

嚴氏芪附湯

嚴氏參附湯

水腫門方

金匱防己黃芪湯

金匱越婢湯

金匱防己茯苓湯

金匱麻黃附子湯

金匱杏子湯

金匱黃芪芍藥桂枝苦酒湯

金匱桂枝加黃芪湯

金匱蒲灰散

金匱桂枝去芍藥加麻黃附子細辛湯

金匱枳朮湯

實脾散

復元丹

導滯通幽湯

胃苓湯

消風敗毒散

加減全匱腎氣丸

調榮散

烏鯉魚湯

防已散

導水茯苓湯

脹病諸方

人參芎歸湯

化滯調中湯

人參丸

見睨丸

小溫中丸

禹餘糧丸

導氣丸

溫胃丸

強中湯

黃痺門方

金匱桂枝黃芪湯

方見前水腫門

金匱小柴胡湯

方見嘔吐門

醫門法律
卷之六
金匱瓜蒂散 方見三氣門

金匱小建中湯 方見前虛勞門

金匱小半夏湯 方見前消渴門

金匱大黃硝石湯

金匱梔子大黃湯

金匱茵陳蒿湯

金匱猪膏髮煎

金匱硝石礬石散

金匱附子金麻黃醇酒湯

茵陳附子乾薑甘草湯

小茵陳湯

茵陳附子湯

茵陳茺萸湯

韓氏茵陳橘皮湯

韓氏茵陳茯苓湯

麻黃連翹赤小豆湯

抵當湯

半夏湯

藿脾飲

梔子大黃湯

白朮湯

酒煮黃連丸

加味四君子湯

腎痺湯

小兒絲子丸

崔氏八味丸

滑石散

茯苓滲濕湯

參朮健脾湯

當歸秦芫散

黃連散

茵陳附子乾薑湯

秦芫湯

治陰黃法

一清飲

青龍散

小柴胡加梔子湯

醫門法律卷之六

西昌喻

嘉言甫著

黎川陳守誠伯常重梓

消渴門

論二首

法四條

律五條

消渴論

喻昌曰消渴之患常始於微而成於著始於胃而極於肺腎始如以水沃焦水入猶能消之既而以水投石水去而石自若至於飲一溲一飲一溲二則燥火劫其真陰操立盡之術而勢成焯焯矣內經有其論無其治金匱有論有治矣而集書者採傷寒論厥陰

經消渴之文。湊入後人不能決擇。斯亦不適用於用也。蓋傷寒傳經熱邪。至厥陰而盡。熱勢入深。故渴而消水。及熱解則不渴且不消矣。豈雜證積漸爲患之比乎。謹從內經擬議言之。經謂凡治消痺。仆擊偏枯痿厥。氣滿發逆。肥貴人則膏粱之疾也。此中消所繇來也。肥而不貴。食弗給於鮮。貴而不肥。食弗過於饗。肥而且貴。醇酒厚味。孰爲限量哉。久之食飲釀成內熱。津液乾涸。求濟於水。然水入尚能消之也。愈消愈渴。其膏粱愈無已。而中消之病遂成矣。夫旣痺成爲消。中隨其或上或下。火熱熾盛之區。以次傳入矣。上消

者胃以其熱上輸於肺而子受母累心復以其熱移之於肺而金受火刑金者生水而出高源者也飲入胃中遊溢精氣而上則肺通調水道而下今火熱入之高源之水爲暴虐所逼合外飲之水建瓶而下飲一洩二不但不能消外水且并素醞水精竭絕而盡輸於下較大腑之暴注暴泄尤爲甚矣故死不治也所謂由心之肺謂之死陰死陰之屬不過三日而死者此之謂也故飲一洩二第一危候也至於胃以其熱由關門下傳於腎腎或以石藥耗其真女謁竭其精者陽強於外陰不內守而小洩渾濁如膏飲一洩

一。腎消之證成矣。經謂石藥之性悍。又謂脾風傳之腎。名曰疝瘕。少腹寃熱而痛。出白液。名曰蠱。明指腎消爲言。醫和有云。女子陽物也。晦淫則生內熱。惑蠱之疾。此解寃熱及蠱義甚明。王太僕謂消爍肌肉如蠱之蠲。日漸損削。乃從消字起見。淺矣。淺矣。夫惑女色以喪志。精泄無度。以至水液渾濁。反從火化。亦最危候。經云。君火之下。陰精承之。故陰精有餘。足以上承心火。則其人壽。陰精不足。心火直下。腎中陽精所降。其人夭矣。故腎者胃之關也。關門不開。則水無輸泄。而爲腫滿。關門不開。則水無底止。而爲消渴。消渴。

屬腎一證。金匱原文未脫。其曰飲一斗溲一斗者。腎氣丸主之。於以蒸動精水。上承君火。而止其下入之。陽光。此正通天手眼。張子和輒敢詆之。既詆仲景。復諛河間。謂其神芎丸以黃芩味苦入心。牽牛大黃驅火氣而下。以滑石引入腎經。將離入坎。真得黃庭之秘。顛倒其說。阿私所好。識趣卑陋若此。又何足以入仲景之門哉。何栢齋消渴論中已辨其非。昌觀戴人吐下諸案中。從無有治消渴一案者。可見無其事。卽無其理矣。篇首論火一段。非不有其理也。然以承氣治壯火之理。施之消渴。又無其事矣。故下消之火。水

中之火也。下之則愈燔。中消之火。竭澤之火也。下之則愈傷。上消之火。燎原之火也。水從天降。可滅。徒攻腸胃。無益。反損。夫地氣上爲雲。然後天氣下爲雨。是故雨出地氣。地氣不上。天能雨乎。故亟升地氣。以慰三農。與亟升腎氣。以漑三焦。皆事理之必然者耳。不與昔賢一爲分辨。後人亦安能行其所明哉。

消渴續論

昌著消渴論。聊會內經大意。謂始於胃。而極於肺腎。定爲中上下之三消。其他膈消。食休等證。要亦中上之消耳。然未得金匱之實據。心恒不慊。越二歲。忽憶

內經云有所勞倦形氣衰少穀氣不盛上焦不行胃
氣熱熱氣薰胸中故內熱恍然悟胸中受病消息唯
是胃中水穀之氣與胸中天真灌注環周乃得清明
在躬若有所勞倦傷其大氣宗氣則胸中之氣衰少
胃中穀氣因而不盛穀氣不盛胸中所傷之氣愈益
難復而不能以克行於是穀氣留於胃中胃中鬱而
爲熱熱氣薰入胸中混合其衰少之氣變爲內熱胸
胃間不覺易其冲和之舊矣求其不消不渴寧可得
乎透此一關讀金匱所不了了者今始明之其云寸
口脈浮而遲浮卽爲虛遲卽爲勞虛則衛氣不足勞

則營氣竭。跌陽脉浮而數。浮則爲氣數。則消穀而大
堅。氣盛則洩數。洩數則堅。堅數相搏。卽爲消渴。舉寸
口以候胸中之氣。舉跌陽以候胃中之氣。顯然有脉
之可循。顯然有證之可察。然且難解其微焉。蓋陰在
內爲陽之守。陽在外爲陰之固。寸口脉浮。陰不內守。
故衛外之陽浮。卽爲虛也。寸口脉遲。陽不外固。故內
守之陰遲。卽爲勞也。總因勞傷榮衛。致寸口脉虛而
遲也。然營者水穀之精氣。衛者水穀之悍氣。虛而且
遲。水穀之氣不上充而內鬱。已見鬲虛胃熱之一班
矣。更參以跌陽脉之浮數。浮則爲氣。卽內經熱氣薰

胸中之變文。數則消穀而大堅。昌前論中既如以水
投石。水去而石自若。偶合胃中大堅。消穀不消水之
象。可見火熱本足。消水也。水入本足。救渴也。胃中堅
燥。全不受水之浸潤。轉從火熱之勢。急奔膀胱。故洩
數。洩去其內。愈燥。所以堅數相搏。卽爲消渴。直引內
經。味過於苦。久從火化。脾氣不濡。胃氣乃厚之意。爲
消渴之源。精矣微矣。晉唐以後。代不乏賢。隨其聰敏。
揣摩內經。各自名家。卒皆不入仲景堂奧。其所得於
內經者。淺耳。使深則能隨證比類。各出脈證方治。以
昭成法。而金匱遺編家傳戶誦之矣。卽如消渴證。相

沿。謂中消者宜下之。其守一語更無別商。豈一下可
了其局乎。抑陸續徐下之乎。夫胃已大堅不受膏沐。
輒投承氣。堅者不受。瑕者受之矣。膀胱不受。大腸受
之矣。豈不乘其藥勢。傳爲痢下。驚澹中滿。腫脹之證
乎。總錄謂未傳能食者必發腦疽背瘡。不能食者必
傳中滿鼓脹。皆爲不治之證。諸家不亟亟於始傳中
傳。反於未傳。多方療治。如忍冬藍葉薺苳丸散。及紫
蘇葶藶中滿分消湯丸。欲何爲耶。金匱於小溲微覺
不利。蚤用文蛤一味治之。方書從不錄用。詎知軟堅
之品。非劫陰卽傷陰。獨此一種平善無過。兼可利水。

誠足寶乎。潔古謂能食而渴者白虎加人參湯不能食而渴者錢氏白朮散加葛根。未傳瘡疽者火邪盛也。急攻其陽無攻其陰。下焦元氣得强者生。失强者死。未傳中滿者鬲消。中消制之太過。速過病所。上熱未除。中寒復起。非藥之罪。用藥時失其緩急之制也。潔古老人可謂空谷足音矣。所云無攻其陰得强者生。失强者死。皆慮泉竭之微言。令人聳然起敬。於是追步後塵。徐商一語曰。三消總爲火病。豈待未傳瘡疽始爲火邪勝耶。然火之在陽在陰。分何藏府。合何藏府。宜升宜降。宜折宜伏。各各不同。從其性而治之。

使不相扞格。乃爲良法。若不治其火。但治其熱。火無所歸。熱寧有止耶。如腎消陰病。用六味丸。陽病用八味丸。此亦一法。若謂下消只此一法。其去中消宜下之說。能以寸哉。

內經陰陽別論曰。二陽結謂之消。二陽者陽明也。手陽明大腸主津。病消則目黃口乾。是津不足也。足陽明胃主血。病熱則消穀善饑。血中伏火。乃血不足也。結者津血不足。結而不行。皆燥之爲病也。

內經曰。心移熱於肺。傳爲膈消。張子和謂膈消猶未及於肺。至心移寒於肺。乃爲肺消。如此泥文害意。

非能讀內經者也。豈有心移熱於肺。肺傳其熱於鬲。猶未及肺之理。必變經文爲心移熱於鬲。傳爲肺消。乃不泥乎。要識心肺同居鬲上。肺爲嬌藏。移寒移熱。總之易入。但寒邪入而外束。熱邪入而外傳。均一肺消。而治則有分矣。

劉河間論三消之疾。本濕寒之陰氣極衰。燥熱之陽氣太甚。六氣中已遺風火二氣矣。且以消渴消中消腎。分名三消。豈中下二消無渴可言耶。及引經言有心肺氣厥而渴。有肝痺而渴。有痺熱而渴。有胃與大腸結熱而渴。有脾痺而渴。有腎熱而渴。有

小腸痺熱而渴。愈推愈泛。其不合論消渴。但舉渴之一端。爲燥熱亡液之驗。誠不可解。玉機微義深取其說。發煖藥補腎之誤。吾不知煖藥果爲何藥也。世豈有以煖藥治消渴之理哉。其意蓋在非金匱之主腎氣丸耳。夫腎氣丸蒸動腎水。爲治消渴之聖藥。後世咸知之。而何栢齋復辨之。昌恐後學偶閱子和宗厚之說。反滋疑眩。故再陳之。痺成爲消中。胃熱極深。胃火極熾。以故能食。易饑。多渴。諸家咸謂宜用大承氣湯下之矣。不知漸積之熱。素蘊之火。無取急下。下之亦不去。徒損腸胃。轉

增其困耳。故不得已而用大黃。當久蒸以和其性。更不可合枳實厚朴同用。助其疾趨之勢。潔古用大黃。更其名曰順利散。隱然取順利。不取攻劫之意。方下云。治中消熱在胃而能食。小便其黃微利。至不欲食爲効。不可多利。昌恐微利至不欲食。胃氣已不存矣。承氣非微利之法。而可瀆用哉。子和更其方爲加減三黃丸。合大黃芩連用之。不用枳朴矣。方下云。治丹石毒及熱渴。以意測度。須大實者。方用。曾不思消渴證。真氣爲熱火所耗。幾見有大實之人耶。然則欲除胃中火熱。必如之何。而後

可昌謂久蒸大黃與甘草合用則急緩互調與人
參合用則攻補兼施如克國之屯田金城坐困先
零庶幾可圖三年之艾目前縱有乘機闢捷之着
在所不舉如之何欲取効省曉耶昔賢過矣

律五條


凡治初得消渴病不急生津補水降火徹熱用藥無
當遷延誤人醫之罪也

凡治中消病成不急救金水二藏泉之竭矣不云自
中醫之罪也

凡治肺消病而以地黃丸治其血分腎消病而以白

虎湯治其氣分。執一不通。病不能除。醫之罪也。
凡消渴病。少愈不亟。回枯澤稿。聽其土燥不生。致釀
瘡疽無救。醫之罪也。

凡治消渴病。用寒涼太過。乃至水勝火湮。猶不知反。
漸成腫滿。不救。醫之罪也。



漸近

八

漸近

八

漸近

消渴門諸方

○金匱腎氣丸

本文云男子消渴小便反多。以飲

一斗。小便一斗。腎氣丸主之。即崔氏八味丸治

脚氣上入少腹不仁之方也。

乾地黄 八兩

山茱萸

山藥 各四兩

澤瀉

白茯苓

牡丹皮 各三兩

肉桂

附子 炮各一兩

右八味末之。煉蜜為丸。梧子大。酒下十五丸。日再

服。按王太僕註內經云。火自腎而起。謂龍火。龍

火當以火逐火。則火可滅。若以水治火。則火愈熾。

此必然之理也。昌更謂用桂附蒸動腎水開闔胃關爲治消渴喫緊大法。胡乃張子和別有肺腸前論中已詳之矣。但至理難明。淺見易惑。局方變其名爲加減八味丸。加五味子壹兩半。減去附子。豈非以五味之津潤勝於附子之燥熱耶。舉世咸樂宗之。大惑不解。可奈何哉。

○金匱文蛤散。本文云。渴欲飲水。不止者。文蛤散主之。

文蛤五兩

右一味杵爲散。以沸湯五合。和服方寸匙。

按傷寒論用此治悞以水喫人面肌膚粟起之表證。今消渴裏證亦用之。蓋取其功擅軟堅且利水微熱耳。前已論悉。

再按金匱治消渴止用腎氣丸五苓散文蛤散三方。而五苓又從傷寒證中採入。白虎加人參湯亦然。所以用方者當會通全書而引伸以求其當也。

○金匱白虎加人參湯原治太陽中暍汗出惡寒。

身熱而渴。去知母之苦。加淡竹葉麥門冬之

甘。名竹葉石膏湯。治虛煩證。

知母 六兩

石膏 一斤碎

甘草 三兩

粳米

六合

人參

二兩

右五味以水一斗。煮米熟湯成。去滓溫服一升。日三服。

按此治火熱傷其肺胃。清熱救渴之良劑也。故消渴病之在上焦者必取用之。東垣以治膈消。潔古以治能食而渴者。其不能食而渴者用錢氏白朮散。倍加葛根。而東垣復參內經膏粱之病不可服芳草石藥。治之以蘭。除其陳氣之義。一變其方爲蘭香飲子。用石膏知母生熟甘草人參。加入蘭香防風白芷薏仁連翹桔梗升麻半夏。再變其方爲

生津甘露飲子。用石膏人參生熟甘草知母加黃
藥杏仁山梔華澄茄白葵白荳蔻白芷連翹薑黃
麥門冬蘭香當歸身桔梗升麻黃連木香柴胡藿
香全蝎而爲之辭曰。此制之緩也。不惟不成中滿。
亦不傳下消矣。三消皆可用。昌實不敢信其然也。
乃至三因之石子蓋芩湯。潔古之清涼飲子。俱從
此方增入他藥。引入他藏。全失急救肺胃之意。此
後賢之所以爲後賢耶。

○竹葉黃芪湯 治消渴證。氣血虛。胃火盛。而作渴。

淡竹葉

生地黃

各二錢

黃芪

麥門冬

當歸

川芎

黃芩炒

甘草

芍藥

人參

半夏

石膏

煨各一錢

右水煎服

按前白虎加人參湯。顛治氣分燥熱。此方兼治氣血燥熱。後一方顛治血分燥熱。宜辨證而擇用之。

○生地黃飲子

治消渴咽乾。面赤煩燥。

人參

生乾地黃

熟乾地黃

黃芪蜜炙

天門冬

麥門冬

枳殼麩炒

石斛

枇杷葉

澤瀉

甘草

炙各等分

右剉散每服三錢。水一盞煎至六分。去滓食遠。臨卧頓服。此方生精補血。潤燥止渴。佐以澤瀉枳殼。疎導二腑。使心火下降。則小腑清利。肺經潤澤。則大腑流暢。宿熱既除。其渴自止。故取用之。

○錢氏白朮散 治虛熱而渴

人參

白朮

白茯苓

甘草

藿香

木香

各一兩

乾葛

一兩

右爲末。每服三錢。水煎溫服。如飲水多。多與服之。

按仁齋用本方加五味子柴胡各三錢分十劑煎服治消渴不能食海藏云此四君子加減法亦治濕勝氣脫泄利太過故虛熱作渴在所必用

○宣明黃芪湯 治心移寒於肺為肺消飲少溲多

○當補肺平心

黃芪 二兩

五味子

人參

麥門冬

桑白皮 各二兩

枸杞子

熟地黃 各一兩半

右為末每服五錢水二盞煎至一盞去滓溫服無時

○宣明麥門冬飲子 治心移熱於肺傳為膈消胸

滿心煩精神短少

人參

茯神

麥門冬

五味子

生地黄

炙甘草

知母

葛根

括蘂根

各等分

右咬咀每服五錢。加竹葉十四片。煎七分。溫服。

無時

按宣明二方為內經心移寒移熱兩證各出其治

一種苦心非不可嘉然移寒移熱其勢頗銳而生

津養血其應差緩情非的對易老門冬飲子亦然

昌謂心之移寒必先束肺之外郭用參芪補肺加

散寒之藥可也。而用枸杞熟地黃補腎則迂矣。用

桑白皮瀉肺。其如外束之寒。何至心之移熱。治以鹹寒。先入其心。如文蛤散之類。自無熱可移。正行走大梁。解圍之上着。何不及之。所以觀於海者。難爲水也。

○易老門冬飲子 治老弱虛人大渴

人參

枸杞子

白茯苓

甘草 各等分

五味子

麥門冬 各半兩

右薑水煎服

按易老方。卽變宣明麥冬飲子。去生地知母葛根。加枸杞也。方下不言心移熱於肺。惟以治老弱虛。

人大渴而增枸杞之潤去地黄之泥知母之苦葛根之發立方於無過治本之圖不為迂矣

○猪肚丸 治強中消渴

黃連

粟米

括萋根

茯苓

各四兩

知母

麥門冬

各二兩

右為細末將大猪肚一箇洗淨入末藥於內以麻線縫合口置甑中炊極爛取出藥別研以猪肚為膏再入煉蜜搜和前藥杵勻丸如梧子大每服五十丸參湯下又方加人參熟地黄乾葛又方除知母粟米用小麥

○爛金丸

治熱中消渴止後補精血益諸虛解勞

倦去骨節間熱寧心強志安神定魄固藏府進

飲食免生瘡瘍

大猪肚 一箇

黃連 三兩

生薑 碎

白蜜 各二兩

先將猪肚淨洗控乾復以葱椒醋麩等同藥以水
酒入銀石器內煮半日漉出黃連洗去蜜酒令盡
剉研為細末再用水調為膏入猪肚內以線縫定
仍入銀石器內煮爛研如泥搜和下項藥

人參

五味子

杜仲

薑炒去絲

山藥

石解

山茱肉

車前子

新蓮肉

去皮心

鱉甲

醋炙

乾地黄

當歸

各一兩

磁石

煨

白茯苓

槐角子

炒

川芎

各一兩

黃芪

四兩

兔絲子

酒淘蒸

沉香

半兩

麝香

別研一錢

右爲細末。用猪肚膏搜和得所。如膏少添熟蜜。搗

數千杵。丸如桐子大。每服五十丸。食前用溫酒。或

糯米飲送下。一方有白朮二兩。陽起石一兩。

按用麝香。陽起石。開竅興陽。渾是後人孟浪知見。

其他無過之藥及製肚之法亦有可採故合前方
兩存之。

潔古化水丹 治手足少陰渴飲水不止或心痛

者。本事治飲冷水多。

川烏

臍大者四枚炮去皮

甘草 炙一兩

牡蠣 生三兩

蛤粉

用厚者炮四兩

右爲細末醋浸蒸餅爲丸每服十五丸新汲水下

心痛者醋湯下立愈飲水一石者一服愈海藏云

此藥能化停水。

按飲水過多亦有能消其火熱者而火熱既消反

不能消水轉成大患者多有之。潔古有見於此而用川烏助火合之牡蠣蛤粉鹹寒其成消水之功也。又恐纔退之火熱其根尚伏所以不多用之。原有深意但不和盤托出以告人耳。

○黃連膏 治口舌乾小便數舌上赤脉生津液除

乾燥長肌肉

黃連一斤礮為末

牛乳汁 白蓮藕汁

生地黄汁各一斤

右將汁熬膏。搓黃連末為丸如小豆大。每服二十丸。少呷湯下。日進十服。

○生地黄膏 治證同前。

生地黄 搥大 一握

蜂蜜 一兩

人參 半兩

白茯苓

右先將地黄洗搗爛。以新汲水調開。同蜜煎至一半。入參苓末拌和。以磁器密收。匙挑服。

○按二膏一用苦寒合甘寒。一純用甘寒。相其所宜。擇而用之。治消渴之權衡。大畧可推。故兩錄之。

○天門冬丸 治初得消中。食已如饑。手足煩熱。背膊疼悶。小便白濁。

天門冬

土瓜根 乾者

瓜萸根

熟地黃

知母焙一兩半

肉蓯蓉酒浸一宿切焙

鹿茸

五味子

赤石脂

澤瀉

各一兩半

雞內金

一具微炙

桑螵蛸

十枚炙

牡礪

煨二兩

苦參

一兩

右為細末。煉蜜丸。如梧子大。每服二十九。用粟米飲送下。食前。

按初得中下二消急治其本可也。丸藥本緩。且只服二十丸。未免悠悠從事矣。方中藥品頗佳。但赤石脂有可議耳。減去此物。更增三倍用之。可以必效。蓋初起之易為功也。

○猪腎薺苳湯 治消中日夜尿八九升者。

猪腎 二具
大豆 一斤
薺苳

石膏 各三兩
人參
茯苓 一作茯神

知母
葛根
黃芩

磁石 綿裹
瓜蒌根
甘草 各二兩

右咬咀用水一斗五升。先煮猪腎大豆取一斗。去滓。下藥煮取三升。分作三服。渴急飲之。下焦熱者。夜輒服一劑。渴止勿服。

按此方用白虎等清涼之劑。加入猪腎大豆磁石。引諸清涼入腎。且急服之。火熱熾盛於上下三焦。

者在所必用。後有製薺芩丸治強中為病。莖長異盛。不交精溢。消渴之後。多作癰疽。皆由過服丹石所致。卽以本方去石膏。知母。葛根。黃芩。加鹿茸。地骨皮。熟地。黃沉。香。以其病在中下。陽氣陰精兩竭。故舍上焦之清涼。而事下焦之溫補。為合法也。

○腎瀝散 治消腎氣虛損發渴小便數腰疼痛。

雞脞脰 微炙 遠志 去心

人參

桑螵蛸 微炒

黃芪

澤瀉

桂心

熟地黃

白茯苓

龍骨

當歸 各一兩

麥門冬 去心

川芎 各二兩

五味子

炙甘草

玄參 各十兩

磁石 半兩 研碎 淘去赤汁

右剉碎每服用羊腎一對切去脂膜先以水一盞半煮腎至一盞去水上浮脂及腎次入藥五錢生薑半分煎至五分去滓空心服晚食前再服

按腎氣虛損之證本陰精不足當歸川芎雖云補陰不能補精且一辛一散非所宜施不若以山茱萸枸杞子代之為長以其引用之法頗佳故取之
○白茯苓丸 治腎消因消中之後胃熱入腎消爍腎脂令腎枯燥遂致此疾兩腿漸細腰脚無力

白茯苓

覆盆子

黃連

瓜蒌根

葶藶

人參

熟地黄

玄參

石斛

蛇床子

各七錢半

雞胫脰

二十具微炒

右爲細末煉蜜和搗三五百杵丸如梧子大每服三十丸食前煎磁石湯送下。

友人朱麟生病消渴後渴少止反加燥急足膝痿

弱命予亟以雜霸之藥投之不能待矣予主是丸

加犀角坐中一醫曰腎病而以犀角黃連治其心

毋乃倒乎予曰腎者胃之關也胃之熱下傳於腎

則關門大開。關門大開，則心之陽火得以直降於腎。經云：陽精所降，其人天。非細故也。今病者心火燥，腎燥不能需，予用犀角黃連入腎，對治其下降之陽光，寧爲倒乎？醫敬服。友人服之，果効。再更六味地黃丸，加犀角，而肌澤病起。

○忍冬丸

治渴病愈，須預防發癰疽。

忍冬草

根莖花葉皆可用之。

右用米麴酒於瓶內浸，糠火煨一宿，取出曬乾，入甘草少許爲末，卽以所浸酒煮糊爲丸，如梧桐子大，每服五十九，至百九，酒飲任下。

按此方於四月間採鮮花十數斤。採取其汁煎如膏子。酒湯任用點服。養陰退陽。調和營衛。血脈凡係火熱熾盛之體。允為服食仙方。

○藍葉散 治渴利口乾煩熱。背生癰疽。赤爛疼痛。

藍葉 升麻 玄參 黃芪

麥門冬 葛根

沉香 赤芍藥 犀角屑

甘草 大黃 生用各一兩 二兩微炒

每服四錢水一盞煎至六分去滓不拘時溫服。

○紫蘇湯 治消渴後遍身浮腫心膈不利。

消渴方

紫蘇莖葉 桑白皮 赤茯苓 各一兩

郁李仁 去皮炒 二兩 羚羊角 鎊 檳榔 各七錢半

桂心 枳殼 麩炒 獨活

木香 各半兩

每服四錢。水一盞半。生薑半分。煎八分。溫服。

○烏梅木瓜湯 治飲酒多^過發積為酷熱裏蒸五臟

津液枯燥。血泣小便併多。肌削嗜冷物寒漿。

木瓜乾 烏梅 槌破不去仁 麥蘖 炒

甘草 草藁 去皮各半兩

每服四錢。水一盞半。薑五片。煎七分。不拘時服。

○殺蟲方 治消渴有蟲

苦楝根取新白皮一握切焙。入麝香少許。水二椀煎至一椀。空心飲之。雖困頓不妨。自後下蟲三四條。類虻蟲而色紅。其渴頓止。乃知消渴一證。有蟲耗其精液。出夷堅志

按飲醇食燻積成胃熱。濕熱生蟲。理固有之。不獨消渴一證爲然。臨病宜加審諦也。

前篇一第款然如味宜試審諸也

對辨新食執實與胃然點燕主集野固育交不詳

辨百鐵其蘇郭出表空志

三田結鐵神鐵神登球其保鐵也只吟辨辨

辨頭星一蘇空也辨文據因與不秋自對不詳

對辨辨及液白史一醫取部入觀香忠荷水

○辨辨次... 辨辨辨辨

虛勞門

論二首
律十條

法三十一條

虛勞論

喻昌曰。虛勞之證。金匱敘於血痺之下。可見勞則必勞其精血也。營血傷則內熱起。五心常熱。目中昏花。見火耳內蛙聒蟬鳴。口舌糜爛。不知五味。鼻孔乾燥。呼吸不利。乃至飲食不為。肌膚怠惰。嗜卧骨軟。足疲。營行日遲。衛行日疾。營血為衛氣所迫。不能內守而脫出於外。或吐或衄。或出二陰之竅。血出既多。火熱迭入。逼迫煎熬。漫無休止。營血有立盡而已。不死何待耶。更有勞之之極。而血痺不行者。血不脫於外而

但畜於內。畜之日久。週身血走之。隧道悉痺。不流。惟就乾涸。皮鮮滑澤。面無榮潤。於是氣之所過。血不爲動。徒蒸血爲熱。或日晡。或子午。始必乾熱。俟蒸氣散。微汗而熱解。熱蒸不已。瘵病成焉。不死。又何待耶。亦有始因脫血。後遂血痺者。血虛血少。艱於流布。發熱致痺。尤易也。內經凡言虛病。不及於勞。然於大肉枯槁。大骨陷下。胸中氣高。五藏各見危證。則固已言之。未有勞之之極。而真藏脈不見者也。然枯槁已極。卽真藏脈不見。亦寧有不死者乎。秦越人始發虛損之論。謂虛而感寒。則損其陽。陽虛則陰盛。損則自上。

而下一損損於肺皮聚而毛落二損損於心血脉不能榮養藏府三損損於胃飲食不爲肌膚虛而感熱則損其陰陰虛則陽盛損則自下而上一損損於腎骨痿不起於床二損損於肝筋緩不能自收持三損損於脾飲食不能消化自上而下者過於胃則不可治自下而上者過於脾則不可治蓋飲食多自能生血飲食少則血不生血不生則陰不足以配陽勢必五藏齊損越人歸重脾胃旨哉言矣至仲景金匱之文昌細會其大意謂精生於穀穀入少而不生其血血自不能化精內經於精不足者必補之以味味者

五穀之味也。補以味而節其勞。則精貯漸富。大命不傾。設以雞口之入。爲牛後之出。欲其不成。虛勞寧可得乎。所以垂訓十則。皆以無病男子精血兩虛爲言。而虛勞之候。煥若指掌矣。夫男子平人。但知縱慾勞精。抑孰知陰精日損。飲食無味。轉勞轉虛。轉虛轉勞。脈從內變。色不外華。津液衰而口渴。小便少。甚則目瞑。衄血。陰精不交。自走盜汗淋漓。身體振搖。心膽驚怯者。比此然也。故血不化精。則血痺矣。血痺則新血不生。井素有之血。亦瘀積不行。血瘀則營虛。營虛則發熱。熱久則蒸其所瘀之血。化而爲蟲。遂成傳尸瘵。

證窮凶極厲竭人之神氣養蟲之神氣人死則蟲亦死其遊魂之不死者傳親近之一脉附入血隧似有如無其後蟲日榮長人日凋悴閱三傳而蟲之爲靈非符藥所能制矣醫和視晉平公疾曰是近女室晦而生內熱惑蟲之疾非鬼非食不可爲也惑卽下唇有瘡蟲食其肛其名爲惑之惑蠱字取義三蟲其載一器非鬼非食明指蟲之爲厲不爲尊者諱也以故孤惑之證聲啞喎勞瘵之證亦聲啞喎是則聲啞者氣管爲蟲所餌明矣男子前車之覆古今不知幾千億人矣巢氏病源不察謂有虛勞有蒸病有注病勞

有五勞六極七傷。蒸有五蒸二十四蒸。注有三十六種九十九種。另各分門異治。後人以岐路之多。茫然莫知所適。且諱其名曰痰火。而夢夢者。遂謂痰火有虛有實。乃至克棟諸方。妄云肺虛用某藥。肺實用某藥。以及心肝脾腎。咸出虛實兩治之法。是於虛損虛勞中。添出實損實勞矣。鄙陋何至是耶。仲景於男子平人。諄諄致戒。無非謂營衛之道。納穀爲寶。居常調營衛以安其穀。壽命之本。積精自剛。居常節嗜慾。以生其精。至病之甫成。脉纔見端。惟恃建中復脉爲主治。夫建中復脉。皆稼穡作甘之善藥。一遵精不足者。

補之以味之旨也。豈有泉之竭矣。不云自中之理哉。
後人補腎諸方。千蹊萬徑。以治虛勞。何反十無一全。
豈非依樣葫蘆。徒資話柄耶。及其血痺不行。仲景亟
驅其舊。生其新。幾希於癆瘵將成未成之間。誠有一
無二之聖法。第牽常者不能用耳。試觀童子藏府脆
嫩。纔有寒熱積滯。易於結癖成疝。待其血痺不行。氣
蒸發熱。卽不可爲。女子血乾經閉。發熱不止。癆瘵之
候更多。待其勢成。縱有良法。治之無及。儻能服膺仲
景幾先之哲。喫力於男子童子。瘵病將成未成
之界。其活人之功。皆是起白骨而予以生全。爲彼蒼

所眷注矣。

虛勞脉論

喻昌

曰。虛勞之脉。皆不足之候。爲精氣內奪。與邪氣

外入之實脉。常相反也。黃帝問何謂重虛。岐伯對以

脉氣上虛尺虛。是謂重虛。謂其上下皆虛也。氣虛者

言無常也。謂其脉之無常也。尺虛者。行步恇然。謂其

步履之不正也。脉虛者。不象陰也。謂其脉全不似手

太陰脉之充盈也。皆易明也。獨脉之無常。從來謂是

上焦陽氣虛。故其脉無常。果爾。則下焦陰氣虛。脉更

無常矣。觀下文云。如此者。滑則生。濇則死。濇脉且主

死而寸脉之無常。寧復有人理哉。故氣虛者言無常也。此一語明謂上氣之虛。由胸中宗氣之虛。故其動之應手者無常耳。乃知無常之脉。指左乳下之動脉。爲言有常則宗氣不虛。無常則宗氣大虛。而上焦之氣始慳慳不足也。後之論脉者。失此一段精微。但宗越人所述損脉。而引伸觸類曰。脉來奕者爲虛。緩者爲虛。滯爲虛。芤爲中虛。弦爲中虛。脉來細而微者。血氣俱虛。脉小者血氣俱少。脉沉小遲者。脫氣虛損之脉。似可一言而畢。實未足以盡其底裏。賴仲景更其名爲虛勞。虛勞之脉。多兼浮大。當於前人論脉合參。

浮大與否。所以謂男子平人。脉大爲勞。極虛亦爲勞。又謂脉浮者裏虛。又謂勞之爲病。其脉浮大。手足煩。春夏劇。秋冬瘥。男子脉浮弱而濇。爲無子。脉得諸芤。動微緊。男子失精。女子夢交。脉極虛芤遲。爲清穀亡血失精。脉虛弱細微者。善盜汗。而總結其義曰。脉弦而大。弦則爲減。大則爲芤。減則爲寒。芤則爲虛。虛寒相搏。此名爲革。婦人則半產漏下。男子則亡血失精。可見浮大弦緊。外象有餘。其實中藏不足。不顯泥遲。緩微弱。一端以驗脉。而脉之情狀。莫逃於指下。卽病之疑似。莫炫於胸中。仲景之承前啟後。豈苟焉而已。

哉。昌不揣愚陋。已著大氣論於卷首。發明胸中大氣。宗氣所關之重。因辨岐伯所指脉氣上虛爲宗氣之虛。以見重虛之脉。乳下宗氣在所當診。固堂下指陳。未必堂上首肯。然不可謂門外漢也。

鍼經云。形氣不足。病氣不足。此陰陽俱不足也。不可刺之。刺之重不足。重不足。則陰陽俱竭。氣血皆虛。五臟空虛。筋骨髓枯。老者絕滅。壯者不復矣。

按形者形骸也。氣者口鼻呼吸之氣也。形骸消瘦。視壯盛者迥殊。氣息喘促。或短而不足以息。視勞役形體。氣不急促者迥殊。病氣不足。懶語困弱。是

正氣內虧。視外邪暗助。精神反增者。迥殊。此不可
刺。宜補之。以甘藥。甘藥。正稼穡作甘。培補中央。以
灌輸臟腑百脉之良藥。此法惟仲景遵之。其次則
東垣丹溪亦宗之。但東垣引以證內傷。而不及外
感。丹溪引以證陰虛。而不及陽損。此聖域賢關之
分量也。

秦越人發明虛損一證。優入聖域。雖無方可考。然其
論治損之法。損其肺者。益其氣。損其心者。調其營
衛。損其脾者。調其飲食。適其寒溫。損其肝者。緩其
中。損其腎者。益其精。卽此便是正法眼藏。使八十

一難俱做此言治何患後人無具耶

原氣虛與虛損不同原氣虛可復虛損難復也至虛損病亦有易復難復兩候因病致虛者緩調自復因虛致損者虛上加虛卒難復也故因病致虛東垣丹溪法在所必用若虛上加虛而至於損原氣索然丹溪每用人參膏至十餘斤多有得生者其見似出東垣之右然則丹溪補陰之論不過救世人偏於補陽之弊耳豈遇陽虛之病而不捷於轉環耶

飲食勞倦為內傷元氣真陽下陷內生虛熱東垣發

補中益氣之論。用人參黃芪等甘溫之藥。大補其氣。而提其下陷。此用氣藥以補氣之不足也。若勞心好色。內傷真陰。陰血既傷。則陽氣偏盛。而變爲火矣。是謂陰虛火旺。勞瘵之證。故丹溪發陽有餘陰不足之論。用四物加知母黃柏補其陰。而火自降。此用血藥以補血之不足也。益氣補陰。一則因陽氣之下陷。而補其氣以升提之。一則因陽火之上升。而滋其陰以降下之。一升一降。迥然不同。亦醫學之兩大法門。不可不究悉之也。

丹谿論勞瘵。主乎陰虛者。蓋自子至巳屬陽。自午至

亥屬陰。陰虛則熱在午後子前。寤屬陽。寐屬陰。陰虛則汗從寐時盜出也。升屬陽。降屬陰。陰虛則氣不降。氣不降則痰涎上逆而連綿不絕也。脈浮屬陽。沉屬陰。陰虛則浮之洪大。沉之空虛也。此皆陰虛之證。用四物湯加黃柏知母主之。然用之多不効。何哉。蓋陽既虛矣。火必上炎。而當歸川芎皆氣辛味大溫。非滋虛降火之藥。又川芎上竄。尤非虛炎短乏者所宜。地黃泥膈。非胃熱食少痰多者所宜。黃柏知母苦辛大寒。雖滋陰。其寔燥而損血。雖曰降火。其寔苦先入心。久而增氣。反能助火。至其

敗胃所不待言。不若用薏苡仁、百合、天冬、麥冬、桑白皮、地骨皮、牡丹皮、枇杷葉、五味子、酸棗仁之屬。佐以生地黄汁、藕汁、人乳汁、童便等。如咳嗽則多用桑白皮、枇杷葉。有痰則增貝母。有血則多用薏苡仁、百合。增阿膠。熱盛則多用地骨皮。食少則用薏苡仁。至七八錢。而麥冬常爲之主。以保肺金而滋生化之源。往往應手而効。蓋諸藥皆稟燥降收之氣。氣之薄者爲陽中之陰。氣薄則發泄。辛甘淡平寒涼是也。以施於陰虛火動之證。猶當溽暑伊鬱之時。而商飈一動。炎歊如失矣。與治暑熱用白

虎湯同意。然彼是外感，外感爲有餘，故用寒沉藏之藥，而後能補其偏。此是內傷，內傷爲不足，但用燥降收之劑而已得其下矣。此用藥之權輿也。虛勞之疾，百脈空虛，非粘膩之物填之，不能實也。精血枯涸，非滋濕之物濡之，不能潤也。宜用人參、黃芪、地黃、二冬、枸杞、五味之屬各煎膏。另用青蒿、以童便熬膏。及生地汁、白蓮藕汁、乳汁、薄荷汁、隔湯煉過，酌定多少，并麋角膠、霞天膏合和成劑。每用一匙湯化服之。如欲行瘀血，加入醋製大黃末。玄明粉、桃仁泥、韭汁之屬欲止血，加入京墨之屬欲

行痰。加入竹瀝之屬。欲降火。加入童便之屬。

凡虛勞之證。大抵心下引脇俱疼。蓋滯血不消。新血無以養之。尤宜用膏子。加韭汁桃仁泥。

呼吸少氣。懶言語。無力動作。目無精光。面色晄白。皆

兼氣虛。用麥冬人參各三錢。陳皮桔梗炙甘草各半兩。五味子二十一粒。爲極細末。水浸油餅爲丸。如鷄豆子大。每服一丸。細嚼津唾嚥下。名補氣丸。

氣虛則生脉散。不言白朮。血虛則三才丸。不言四物。

前言薏苡仁之屬。治肺虛。後言參芪地黃膏子之類。

治腎虛。蓋肝心屬陽。肺腎屬陰。陰虛則肺腎虛矣。

故補肺腎卽是補陰非四物黃柏知母之謂也

陳藏器諸虛用藥凡例 虛勞頭痛復熱加枸杞萎

蕤 虛而欲吐加人參 虛而不安亦加人參

虛而多夢紛紜加龍骨 虛而多熱加地黃牡蠣

地膚子甘草 虛而冷加當歸川芎乾薑 虛而

損加鍾乳棘刺菴蓉巴戟天 虛而大熱加黃芩

天冬 虛而多忘加茯苓遠志 虛而口乾加麥

冬知母 虛而吸吸加胡麻覆盆子栢子仁 虛

而多氣兼微咳加五味子大棗 虛而驚悸不安

加龍齒沙參紫石英小草若冷則用紫石英小草

若客熱則用沙參龍齒不冷不熱皆用之 虛而

身強腰中不利加磁石杜仲 虛而多冷加桂心

吳茱萸附子烏頭 虛而勞小便赤加黃芩 虛

而客熱加地骨皮黃芪 虛而冷加黃芪 虛而

痰復有氣加生薑半夏枳實 虛而小腸利加桑

螵蛸龍骨鷄脍脰 虛而小腸不利加茯苓澤瀉

虛而損溺白加厚朴 髓竭不足加地黃當歸

肺氣不足加二冬五味子 心氣不足加人參茯

苓菖蒲 肝氣不足加天麻川芎 脾氣不足加

白朮白芍益智 腎氣不足加熟地遠志丹皮

膽氣不足加細辛酸棗仁地榆 神昏不足加朱

砂預知子茯神

勞瘵兼痰積其證腹脇常熱頭面手足則於寅卯時
分乍有涼時宜以霞天膏入竹瀝加少薑汁調立
明粉行之若頑痰在膈上膠固難治者必以吐法
吐之或沉香滾痰丸透膈丹之類下之甚則用倒
倉法若肝有積痰瘀血結熱而勞瘵者其太衝脉
必與衝陽脉不相應宜以補陰藥吞當歸龍薈丸
古方柴胡飲子防風當歸飲子麥煎散皆用大黃蓋
能折炎上之勢而引之下行莫速乎此然惟大便

實者乃可。若溘泄則雖地黃之屬亦不宜。况大黃乎。

病勞有一種真藏虛損。復受邪熱者。如經驗方中。治勞熱青蒿煎丸。用柴胡正合宜耳。熱去卽須急已。若無邪熱。不死何待。又大忌芩連栢驟用。純苦寒藥。反瀉其陽。但當用瓊玉膏之類。大助陽氣。使其復還寅卯之位。微加瀉陰火之藥是也。有重陰覆其陽。火不得伸。或洒洒惡寒。或志意不樂。或脉弦數。四肢五心煩熱者。火鬱湯。柴胡升麻湯。病去卽已。不可過劑。

服寒涼藥。證雖大減。脉反加數者。陽鬱也。宜升宜補。大忌寒涼。犯之必死。

治法當以脾腎二藏爲要。腎乃繫元氣者也。脾乃養形體者也。經曰形不足者溫之以氣。氣謂真氣。有少火之溫以生育形體。然此火不可使之熱。熱則壯。壯則反耗真氣也。候其火之少壯。皆在兩腎間。經又曰精不足者補之以味。五味入胃。各從所喜之藏。而歸之。以生津液。輸納於腎者。若五味一有過節。反成其藏有餘。勝克之禍起矣。候其五味之寒熱。初在脾胃。次在其所歸之藏。卽當補其不足。

瀉其有餘。謹守精氣。調其陰陽。夫是故天樞開發。而胃和脈生矣。

勞疾久而嗽血。咽疼無聲。此爲下傳上。若不嗽不疼。久而溺濁脫精。此爲上傳下。皆死證也。

夫傳尸勞者。男子自腎傳心。心而肺。肺而肝。肝而脾。女子自心傳肺。肺而肝。肝而脾。脾而腎。五藏復傳六府而死矣。雖有諸候。其寔不離乎心陽腎陰也。若明陰陽用藥。可以起死回生。

蘇遊論曰。傳尸之候。先從腎起。初受之。兩脛痠疼。腰背拘急。行立脚弱。飲食減少。兩耳颼颼。直似風聲。

夜卧遺泄。陰汗痿弱。腎既受訖。次傳於心。心初受氣。夜卧心驚。或多恐怖。心懸懸。氣吸吸。欲盡。夢見先亡。有時盜汗。飲食無味。口内生瘡。心氣煩熱。惟欲眠卧。朝輕夕重。兩頰口唇悉皆紋赤。如傳臙脂。有時手足五心煩熱。心受已。次傳於肺。肺初受氣。咳嗽上氣。喘卧益甚。鼻口乾燥。不聞香臭。如或忽聞。惟覺朽腐氣。有時惡心欲吐。肌膚枯燥。時或疼痛。或似蟲行。乾皮細起。狀如麩片。肺既受已。次傳於肝。肝初受氣。兩目眊眊。面無血色。嘗欲顰眉。視不能遠。目嘗乾澁。又時赤痛。或復睛黃。嘗欲合眼。

及時睡卧不着。肝既受已。次傳於脾。脾初受氣。兩脇虛脹。食不消化。又時瀉利。水穀生蟲。有時肚痛。脹脹雷鳴。唇口焦乾。或生瘡腫。毛髮乾聳。無有光潤。或時上氣。撐肩喘息。利赤黑汁。見此證者。乃不治也。

紫庭方云。傳尸。伏尸。皆有蟲。須用乳香熏病人之手。乃仰手掌。以帛覆其上。熏良久。手背上出毛長寸許。白而黃者可治。紅者稍難。青黑者即死。若熏之良久無毛者。即非此證。屬尋常虛勞證也。又法燒安息香令烟出。病人吸之。嗽不止。乃傳尸也。不嗽

非傳尸也。

合論金匱桂枝龍骨牡蠣湯天雄散二方

本文云。夫失精家。少腹強急。陰頭寒。目眩。髮落。脉

極虛。菀遲。爲清穀亡血失精。脉得諸菀動微緊。男

子失精。女子夢交。桂枝龍骨牡蠣湯主之。

天雄散。本文無。

按前一方用桂枝湯調其營衛。羈遲。脉道虛衰。加

龍骨牡蠣。滯止其清穀亡血失精。一方而兩扼其

要。誠足寶也。小品又云。虛羸浮熱汗出者。除桂加

白薇附子各三分。故曰二加龍骨湯。得此一加減。

法。後之用是方者。更思過半矣。可見桂枝雖調營衛所首重。倘其人虛陽浮越於外。卽當加附子白薇以回陽而助其收瀦。桂枝又在所不取也。後一方以上中二焦之陽虛。須用天雄以補其上。白朮以固其中。用桂枝領藥行營衛上焦。並建回陽之功。方下雖未述證。其治法指掌易見。然則去桂枝加白薇附子。得非倣此以治中下二焦之陽虛。欲脫耶。精矣。

論金匱小建中湯黃芪建中湯二方。本文云。虛勞

裏急悸衄。腹中痛。夢失精。四肢酸疼。手足煩熱。咽

乾口燥。小建中湯主之。虛勞裏急。諸不足。黃芪建中湯主之。

按虛勞病。而至於亡血失精。消耗精液。枯槁四出。難爲力矣。內經於鍼藥所莫制者。調以甘藥。金匱遵之。而用小建中湯。黃芪建中湯。急建其中氣。俾飲食增。而津液旺。以至充血生精。而復其真陰之不足。但用稼穡作甘之本味。而酸辛鹹苦在所不用。蓋舍此別無良法也。然用法者。貴立於無過之地。寧但嘔家不可用建中之甘。卽服甘藥。微覺氣阻。氣滯。更當慮甘藥大過。令人中滿。蚤用橘皮砂

仁以行之可也。不然甘藥又不可恃。更將何所恃哉。後人多用樂令建中湯。十四味建中湯。雖無過甘之弊。然樂令方中。前胡細辛爲君。意在退熱。而陰虛之熱。則不可退。十四味方中。用附桂菴蓉。意在復陽。而陰虛之陽。未必可復。又在用方者之善爲裁酌矣。

論八味腎氣丸方

本文云。虛勞腰痛。少腹拘急。小

便不利者。八味腎氣丸主之。金匱之用八味腎氣丸。屢發於前矣。消渴之關門。大開。水病之關門。不開。用此方。蒸動腎氣。則關門有開有闔。如晨門者。

與陽俱開。與陰俱闔。環城內外。賴以安堵也。其治脚氣上入。少腹不仁。則藉以培真陰。真陽根本之地。而令濁陰潛消。不得上干清陽耳。今虛勞病。桂附本在所不用。而腰痛。少腹拘急。小便不利。三證皆由腎中真陽內微所致。其病較陰虛發熱諸證。迥乎不同。又不可不求其有。而反責其無矣。

論薯蕷丸方 本文云。虛勞諸不足。風氣百疾。薯蕷丸主之。

按虛勞不足之病。最易生風。生氣倘風氣不除。外證日見有餘。中藏日見虛耗。神頭鬼臉。不可方物。

有速斃而已。故用此方除去其風氣兼培補其空虛也。

論酸棗仁湯方

本文云虛勞虛煩不得眠酸棗仁

湯主之。

按素問云陽氣者煩勞則張精絕滯積於夏使人煎厥已詳論卷首答問條矣。可見虛勞虛煩爲心腎不交之病。腎水不上交心火。心火無制。故煩而不得眠。不獨夏月爲然矣。方用酸棗仁爲君。而兼知母之滋腎爲佐。茯苓甘草調和其間。芎藭入血分。而解心火之燥煩也。

論大黃廣蟲丸方

本文云五勞虛極羸瘦滿不能

飲食。食傷。憂傷。房室傷。饑傷。勞傷。經絡營衛氣傷。
內有乾血。肌膚甲錯。兩目黯黑。緩中補虛。大黃廣
蟲丸主之。

按七傷全匱明謂食傷。憂傷。飲食傷。房室傷。饑傷。
勞傷。經絡營衛氣傷。是房勞傷。但居其一。後人不
知何見。謂七傷者。陰寒。陰痿。裏急。精少。陰下
濕。精滑。小便苦數。臨事不舉。似乎顛主腎傷為言。
豈有五勞分主五藏。而七傷獨主一藏之理。雖人
生恣逞傷腎者。恒多。要不可為一定之名也。所以

虛勞證凡本之內傷者。有此七者之分。故虛勞發熱。未有不。由瘀血者。而瘀血若無內傷。則營衛運行。不失其次。瘀從何起。是必飲食起居。過時失節。營衛凝泣。先成內傷。然後隨其氣所阻塞之處。血爲瘀積。瘀積之久。牢不可拔。新生之血。不得周灌。與日俱積。其人尚有生理乎。仲景施活人手眼。以潤劑潤其血之乾。以蠕動噉血之物。行死血名之曰緩中補虛。豈非以行血去瘀。爲安中補虛上着耶。然此特世俗所稱乾血勞之良治也。血結在內。手足脉相失者。宜之。兼入瓊玉膏潤補之藥。同用。

猶妙。昌細參其證。肌膚甲錯。面目黧黑。及羸瘦。不能飲食。全是營血瘀積。胃中而發。見於肌膚。面目所以五藏失中土之灌溉而虛極也。此與五神藏之本病不同。故可用其方而導去其胃中之血。以內穀而通流營衛耳。許州陳大夫傳仲景百勞丸方云。治一切癆瘵積滯。不經藥壞證者。宜服。與世俗所稱乾血勞亦何以異。大夫其長於謀國者歟。方用當歸乳香沒藥各一錢。蜜蟲十四箇。人參二錢。大黃四錢。水蛭十四箇。桃仁十四箇。浸去皮尖。右爲細末。煉蜜爲丸。桐子大。都作一服。可百丸。五

更用百勞水下。取惡物爲度。服白粥十日。百勞水
卽仲景甘爛水。以杓揚百遍者也。

論金匱附千金翼炙甘草湯方。一名復脈湯。治虛勞
不足。汗出而悶。脈結悸。行動如常。不出百日危。急
者十一日死。

按此仲景治傷寒脈代結。心動悸。邪少虛多之聖
方也。金匱不載。以千金翼常用此方。治虛勞。則實
可徵信。是以得名爲千金之方也。虛勞之體。多有
表熱。夾其陰虛。所以其證汗出而悶。表之固非。卽
治其陰虛亦非。惟用此方。得汗而脈出。熱解。俾其

人快然。真聖法也。但虛勞之人。胃中津液素虛。匪傷寒暴病。邪少虛多之比。桂枝生薑分兩之多。服之津液每隨熱勢外越。津既外越。難以復收。多有淋漓沾濡。一晝夜者。透此一關。亟以本方去桂枝生薑二味。三倍加入人參。隨繼其後。庶幾津液復生。乃致營衛盛而諸虛盡復。豈小補哉。

論金匱附肘後獺肝散方

本文云。治冷勞。又主鬼

疰。一門相染。

按許叔微本事方云。葛稚川言鬼疰者。是五尸之一疰。諸鬼邪爲害。其變動不一。大約使人淋漓。沉

醫門治法
卷之八
一
沉默默的。不知其所苦。而無處不惡。累年積月。漸就頓滯。以至於死。傳於傍人。乃至滅門。覺知是證者。急治獺肝一具。陰乾取末。水服方寸匙。日三服。効未知再服。此方神良。

再按長桑君所授越人禁方。各傳其徒一人者。至華元化斃獄。其傳遂泯。仲景醫中之聖。諸禁方。詎不盡窺底蘊。然而有其理。無其事者。不足尚也。有其事。無其理者。不足尚也。卽有其理。有其事矣。而用意罕。幾先之哲。尤不足尚也。如獺肝散。非不可以殺蟲。而未可以行血逐瘀。所以製緩中補虛大。

黃廬蟲丸一方。自出手眼而授陳大夫百勞丸一方。加入人參。只作一服。以取頓快。蓋於此時而用力。可圖十全其五也。迨至束手無策。而取用獺肝。以去其蟲。蟲去其人可獨存乎。然蟲亦不可不去也。金匱之附肘後一方。豈無意哉。

附論李東垣補中益氣湯益胃升陽湯二方

東垣所謂飲食勞倦。內傷元氣。則胃脘之陽不能升舉。并心肺之氣。陷入於中焦。而用補中益氣治之。方中佐以柴胡升麻二味。一從左旋。一從右旋。旋轉於胃之左右。升舉其上焦所陷之氣。非自腹

中而升舉之也。其清氣下入腹中。久爲殮泄。并可多用升柴。從腹中而升舉之矣。若陽氣未必陷下。反升舉其陰氣。干犯陽位。爲變豈小哉。更有陰氣素慣上干清陽。而胸中之肉隆聳爲臙。胸間之氣漫散爲脹者。而悞施此法。天翻地覆。九道皆塞。有瀕於死而坐困耳。後人相傳。謂此方能升清降濁。有識者亦咸信之。醫事尚可言哉。夫補其中氣。以聽中氣之自爲升降。不用升柴可也。用之亦可也。若以升清之藥。責其降濁之能。豈不痴乎。

附論朱丹谿大補陰丸四物加黃檗知母湯二方

虛勞之證。陰虛者十常八九。陽虛者十之一二。而已。丹谿著陽有餘陰不足之論。而定二方。與東垣補中益氣之法。旗鼓相當。氣下陷而不能升。則用東垣。火上升而不能降。則用丹谿。二老入理深譚。各造其極。無容議也。前論補中益氣能升清陽。設誤用之。反升濁陰。以致其叮嚀矣。而丹谿之法。用之多不効者。可不深維其故哉。昌謂立法者無過。而用法者不得法中之奧。過端四出。蓋於陽常有餘。陰常不足。二語未常細心推辨耳。夫陽之有餘。得十之七。陰之不足。得十之三。此所謂真有餘。真

不。足。也。陽。真。有。餘。一。切。補。陰。之。藥。直。受。之。而。無。恐。
多。用。之。亦。無。害。是。則。補。陰。在。所。必。需。矣。若。陰。之。不。
足。者。十。存。其。三。而。陽。之。有。餘。者。十。存。四。五。亦。名。有。
餘。而。實。則。非。真。有。餘。也。究。亦。同。歸。不。足。而。已。補。陰。
寒。涼。之。藥。尚。敢。恣。用。乎。不。知。此。義。而。恣。用。之。豈。但。
不。効。其。後。轉。成。陰。盛。陽。虛。清。穀。盜。汗。等。患。究。竟。陰。
基。已。壞。於。前。卽。欲。更。補。其。氣。其。如。味。之。不。能。載。何。
故。再。致。叮。嚀。俾。用。昔。人。法。如。持。衡。在。手。較。量。於。輕。
重。之。間。可。矣。

附論嚴用和芪附湯參附湯二方

虛勞之屬陽虛者十中豈無一二嚴氏二方似不可少。其方從金匱術附湯生出。役之得當。通於神明。其虛勞失血宜之者尤多。以其善治龍雷之陰火耳。但以參芪爲君。附子爲佐。雖每服一兩。不嫌其多。方中止用芪附各半。人參五錢。附子一兩。分三服。能無倒乎。

律十條

凡虛勞病。畏寒發熱者。衛虛則畏寒。營虛則發熱耳。當緩調其營衛。俾不相亢戰。則寒熱自止。若以外感少陽經主寒熱。用小柴胡湯治之。乃至汗多而衛傷於外。便溏而營傷於內。寒熱轉加。醫之罪也。凡虛勞病。多有發熱者。須辨其因之內外。脉之陰陽。時之早晚。而定其治。若通套退熱之藥。與病即不相當。是謂誅伐無過。邪反不服。乃至熱久血乾。津竭。十死不救。醫之罪也。

凡虛勞病。多有奪血而無汗者。若認爲陽實。而責其

汗必動其血。是名下厥上竭。醫殺之也。

凡虛勞病。最防脾氣下溷。若過用寒涼。致其人清穀者。醫之罪也。

凡治骨蒸發熱。熱深在裏。一切輕揚之藥。禁不可用。用之反引熱勢外出。而增其熾灼乾津液。肌肉枯槁。四出求其止在內裏時。蒸時退且不可得。安望除熱止病乎。醫之罪也。

凡治癆瘵發熱。乘其初成。胃氣尚可勝藥。急以峻劑加入。人參導血開囊。退熱行瘀。全生保命。所關甚大。遲則其人胃虛氣餒。羸瘠不堪。卽醫良法。妙亦

何爲哉。此非醫罪。繩趨尺步。昧於行權。隱忍不言。欲圖僥倖。反爲罪也。

凡治小兒五疳。卽大人五勞也。幼科知用五疳之成方。而不知五勞曲折次第。初起者。治之可以得効。胃虛者。服之有死而已。蓋膽草蘆薈。宜胡黃連。極苦大寒。兒不能勝耳。大方亦然。謂五藏有虛勞實勞。恣用苦寒。罪莫逃也。

婦女癆瘵。十中二三。衝爲血海。瘀積不行。乃至血乾。經斷。骨蒸潮熱。夜夢鬼交。宜急導其血。加人參以行之。程功且久可也。若以丸藥緩治。王道緩圖。坐

以待斃。醫之罪也。

常富後貧。名曰脫營。常貴後賤。名曰失精。脫營失精。非病關格。卽病虛勞。宜以漸治。其氣之結。血之凝。乃至流動克滿。程功千日可也。醫不知此。用補用清。總不合法。身輕骨瘦。精神其能久居乎。此非醫罪。遷延貽誤。薄乎云爾。

婦人遭其夫離絕。菟結不解。亦多成關格虛勞二候。此與二陽之病發。心脾大同。月事時下。知未甚也。亦如前法。程功百日。氣血流行。可無患也。不月者。亦須程功千日。從事空王。消除積恨可也。此亦非

醫罪。但以其勢緩而姑任之。不蚤令其更求良治。
遷延圖利。心孽難除耳。

七

醫國師必於藥劑其

藥劑以其特異而故其之不無命其更初見

黃痺門

法十五條

律三條

經言溺黃赤安卧者痺病。溺黃赤者熱之徵也。安靜嗜卧者濕之徵也。所以有開鬼門潔淨府之法。開鬼門者從汗而泄其熱於肌表也。潔淨府者從下而泄其濕於小便也。此特辨名定治之大端。而精微要渺。惟金匱有獨昭焉。要知外感發黃一證。傷寒陽明篇中已悉。金匱雖舉外感內傷諸黃。一一發其底蘊。其所重尤在內傷。茲特詳加表章。爲後學法程焉。

金匱論外感熱鬱於內。而發黃之證云。寸口脈浮而

緩。浮則爲風。緩則爲痺。痺非中風。四肢苦煩。脾色必黃。瘀熱以行。其義取傷寒風濕相搏之變證爲言。見風性雖善行。總與濕相合。其風卽痺而不行。但鬱爲瘀熱而已。及鬱之之極。風性乃發。風發遂挾其瘀熱以行於四肢。而四肢爲之苦煩。顯其風淫末疾之象。挾其瘀熱以行於肌膚。而肌膚爲之色黃。顯其濕淫外漬之象。其脈以因風生熱故浮。因濕成痺故緩。此而行內經開鬼門。潔淨府之法。俾風挾之熱從肌表出。濕蒸之黃從小便出。而表裏分消爲有據也。

金匱重出傷寒陽明病不解後成穀瘵一證云陽明病脈遲者食難用飽飽則發煩頭眩小便必難此欲作穀瘵雖下之腹滿如故所以然者脈遲故也此因外感陽明胃中之餘熱未除故食難用飽飽則食復生熱兩熱相合而發煩頭眩小便難腹滿勢所必至在陽明證本當下陽明而至腹滿尤當急下獨此一證下之腹滿必如故非但無益反增困耳以其脈遲而胃氣空虛津液不充其滿不過虛熱內壅非結熱當下之比金匱重出此條原有深意見脈遲胃虛下之既無益而開鬼門潔淨府

之法用之無益。不待言矣。嘗憶一友問仲景云。下之腹滿如故。何不立一治法。余曰。仲景必用和法。先和其中。後乃下之。友曰。何以知之。余曰。仲景云。脈遲尚未可攻。味一尚字。其當攻之旨躍然。金匱又云。諸黃腹痛而嘔者。用小柴胡湯。觀此。仍是治傷寒邪高痛下。故使嘔也。小柴胡湯主之之法。是以知之耳。陳無擇治穀瘵。用穀芽枳實小柴胡湯。差識此意。但半消半和半下。三法並用。漫無先後。較諸仲景之絲絲必貫。相去遠矣。

金匱又云。趺陽脈緊而數。數則爲熱。熱即消穀。緊則

爲寒食卽爲滿。尺脈浮爲傷腎。跌陽脈緊爲傷脾。
風寒相搏。食穀則眩。穀氣不消。胃中苦濁。濁氣下
流。小便不通。陰被其寒。熱流膀胱。身體盡黃。名曰
穀瘵。此論內傷發黃。直是開天闢地未有之奇。東
垣脾胃論彷彿什一。後世樂宗金匱奧義。置之不
講。殊可慨也。請細陳之。人身脾胃居於中土。脾之
土體陰。而用則陽。胃之土體陽。而用則陰。兩者和
同。則不剛不柔。胃納穀食。脾行穀氣。通調水道。灌
注百脈。相得益彰。其用大矣。惟七情飢飽。房勞過
於內傷。致令脾胃之陰陽不相協和。胃偏於陽。無

脾陰以和之。如造化之有夏無冬。獨聚其熱而消穀。脾偏於陰。無胃陽以和之。如造化之有冬無夏。獨聚其寒而腹滿。其人跌陽之脈緊寒數熱。必有明徵。診其或緊或數。而知脾胃分主其病。診其緊而且數。而知脾胃合受其病。法云精矣。然更有精焉。診其兩尺脈浮。又知並傷其腎。夫腎脈本沉也。胡以反浮。蓋腎藏精者也。而精生於穀。脾不運胃中穀氣入腎。則精無裨而腎傷。故沉脈反浮也。知尺脈浮爲傷腎。則知跌陽脈緊。卽爲傷脾。然緊乃肝脈。正仲景所謂緊乃弦。狀若弓弦之義。脾脈舒

緩受肝木之尅賊則變緊肝之風氣乘脾聚之寒氣兩相搏激食穀卽眩是穀入不能長氣於胃陽而反動風於脾陰卽胃之聚其熱而消穀者亦不過蒸爲腐敗之濁氣而非精華之清氣矣濁氣繇胃熱而下流入膀胱則膀胱受其熱氣化不行小便不通一身盡黃濁氣繇脾寒而下流入腎則腎被其寒而尅賊之餘其腹必滿矣究竟穀痺由胃熱傷其膀胱者多由脾寒傷其腎者十中二三耳若飲食傷脾加以房勞傷腎其證必腹滿而難治矣仲景於女勞痺下重申其義曰腹如水狀不治

豈不深切著明乎。

女勞癯額上黑。謂身黃加以額黑也。黑爲北方陰晦之色。乃加於南方離明之位。此必先有胃熱脾寒之濁氣。下流入腎。益以女勞無度而後成之。其繇來自非一日。肘後謂因交接入水所致。或有所驗。然火炎薪燼。額色轉黑。雖不入水。其能免乎。故脾中之濁氣。下趨入腎。水土互顯之色。但於黃中見黑。滯耳。若相火從水中上炎。而合於心之君火。其勢燎原。烟燄之色。先透於額。乃至微汗。亦隨火而出於額。心之液。且外亡矣。手足心熱。內傷皆然。日

暮陽明用事。陽明主闔收斂。一身之濕熱疾趨而
下。膀胱因而告急。其小便自利。大便黑。時澹。又是
膀胱畜血之驗。腹如水狀。實非水也。正指畜血而
言也。故不治。

酒癰。心中懊懺。而熱不能食。時欲吐。酒爲濕熱之最。
氣歸於心肺。味歸於脾胃。久積之熱。不下行而上。
觸則生懊懺。痞塞中焦。則不能食。其濕熱之氣不
下行而上。觸則爲嘔嘔。則勢轉橫逆。遍漬周身也。
傷寒論。謂陽明病無汗。小便不利。心中懊懺者。身
必發黃。是知熱甚於內者。皆是致此。非獨酒矣。

金匱治酒痺用或吐或下之法云酒黃痺必小便不利其候心中熱足下熱是其證也又云或酒無熱清言了了腹滿欲吐鼻煤其脈浮者先吐之沉弦者先下之又云心中熱欲嘔者吐之愈又云心中懊懺或熱痛梔子大黃湯主之又云下之久久爲黑痺言雖錯出義實一貫蓋酒之積熱入膀胱則氣化不行必小便不利積於上焦則心中熱積於下焦則足下熱其無心中足下熱者則清言了了而神不昏但見腹滿欲吐鼻煤三證可知其膈上與腹中陰陽交病須分先後治之當辨脈之浮沉

以定吐下之先後。脈浮病在膈上。陽分居多。先吐上焦。而後治其中滿。脈沉弦病在腹中。陰分居多。先下其中滿。而後治其上焦。若但心中熱欲嘔。則病全在上焦。吐之即愈。何取下爲哉。其酒熱內結。心神昏亂。而作懊憹。及痛楚者。則不可不下。但下法。乃劫病之法。不可久用。久久下之。必脾肺之陽氣盡傷。不能總領其陰血。其血有日趨於敗。而變黑耳。曾謂下法。可瀆用乎。仲景於一酒瘴。臚列先後次第。以盡其治。其精而且詳。若此。

酒瘴之黑。與女勞瘴之黑。殊不相同。女勞瘴之黑。爲

腎氣所發酒痺之黑乃榮血腐敗之色榮者水穀
之精氣爲濕熱所瘀而不行其光華之色轉爲晦
黯心胸嘈雜如噉蒜齏狀其芳甘之味變爲酸辣
乃至肌肺脈之不仁大便正黑脈見浮弱皆肺金
節治之氣不行而血瘀也必復肺中清肅之氣乃
可驅榮中瘀濁之血較女勞痺之難治特一間耳
方書但用白朮湯理脾氣解酒熱以言治抑何庸
陋之甚耶

黃痺繇於火土之熱濕若合於手陽明之燥金則熱
濕燥三氣相搏成黃其人必渴而飲水有此則去

濕熱藥中必加潤燥。乃得三焦氣化行。津液通。渴解而黃退。渴不解者。燥有未除耳。然非死候也。何又云瘴而渴者難治。則更慮其下泉之竭。不獨云。枉中之津液矣。

合論金匱桂枝黃芪湯。小柴胡湯。麻黃醇酒湯三方。仲景治傷寒方。首用麻黃湯爲表法。今觀金匱治黃瘴之用表。主之以桂枝黃芪湯。小柴胡湯。附之以千金麻黃醇酒湯。明示不欲發表之意。故其方首云。諸病黃家。但利小便。假令脈浮。當以汗解之。宜桂枝加黃芪湯。可見大法當利小便。必脈浮始

可言表。然痺證之脈多有榮衛氣虛濕熱乘之而
淨。故用桂枝黃芪湯和其榮衛。用小柴胡湯和其
表裏。但取和法為表法。乃仲景之微旨也。而表實
發黃當汗之證。豈曰無之。再取千金麻黃醇酒湯。
一方附入。必不自出。麻黃峻表之方。背立法之本
意。又仲景之苦心也。讀此而治病之機。宛然心目。
桂枝黃芪湯○表虛者必自汗。汗雖出而邪不
出。故用桂枝黃芪以實表。然後可得驅邪之
正汗。此義不可不知。

小柴胡湯○邪正相擊。枉下則痛。枉上則嘔。即

傷寒論邪高痛下之旨也。故取用和表裏之法。和其上下。

千金麻黃醇酒湯。○表有水寒。入於榮血。閉而不散。熱結爲黃。故賴麻黃。顛力開結散邪。加醇酒以行之也。

合論金匱大黃硝石湯。梔子大黃湯。茵陳蒿湯三方。濕熱鬱蒸而發黃。其當從下奪。亦須倣治傷寒之法。裏熱者始可用之。重則用大黃硝石湯。蕩滌其濕熱。如大承氣湯之例。稍輕則用梔子大黃湯。清解而兼下奪。如三黃湯之例。更輕則用茵陳蒿湯。

清解爲君。微加大黃爲使。如梔豉湯中加大黃。如
博碁子大之例。是則汗法固不敢輕用。下法亦在
所慎。施以痺證多夾內傷。不得不同護之耳。

大黃硝石湯○熱邪內結而成腹滿。與傷寒當
急攻下之證無異。故以大黃硝石二物蕩邪
開結。然小便赤則膀胱之氣化亦熱。又藉藥
皮梔子寒下之力。以清解其熱也。

梔子大黃湯○此治酒熱內結。昏惑懊懣之劑。
然傷寒證中有云。陽明病無汗。小便不利。心
中懊懣者。身必發黃。是則諸凡熱甚於內者。

皆足致此。非獨酒也。

茵陳蒿湯○此治穀瘴寒熱不能食之方。然此

其繇脾胃內鬱之熱外達肌病與外感之寒熱

寒邪少異熱壅於胃故不能食方中但治裏熱不

黃山解表邪從可識矣。

論瓜蒂湯方○瓜蒂湯吐藥也邪在膈上淺而易及

用此湯以吐去其黃水正內經因其高而越之之

旨也。然此亦仲景治傷寒之正方曷為治瘴證但

附於後是亦不欲輕用之意矣。

合論金匱小建中湯小半夏湯二方

黃瘧病爲濕熱之所釀矣。然有濕多熱少者。有濕少熱多者。有濕熱全無者。不可不察也。仲景慮瘧病多夾內傷。故爾慎用汗吐下之法。其用小建中湯。則因男子發黃。而小便自利。是其裏無濕熱。惟以入房數擾其陽。致虛陽上泛爲黃耳。故不治其黃。但和榮衛以收拾其陽。聽其黃之自去。卽取傷寒邪少虛多心悸而煩。合用建中之法以治之。此其一端也。又有小便本赤黃。治之其色微減。卽當識其蘊熱原少。或大便欲自利。腹滿上氣喘急。卽當識其脾濕原盛。或兼寒藥過當。宜亟用小半夏

湯溫胃燥濕儻更除其熱則無熱可除胃寒起而
晚逆矣此又一端也凡治濕熱而不顧其人之虛
寒者覩此二義能無悚惕耶

小建中湯○卽桂枝湯倍芍藥加膠飴也男子
數擾其陽致虛陽上泛爲黃用此湯固護其
衛則陽不能外越而芍藥之酸收其上泛之
陽以下歸於陰甘草膠飴培其中土土厚則
所收之陽不能復出此天然絕妙之方也然
必小便自利證非濕熱者乃可用之不然寧
不犯酒家用桂枝嘔家用建中之大禁乎

小半夏湯○小便色小變而欲自利濕雖積而熱則微若其脾濕不行而滿脾濕動肺而喘此但當除濕不可除熱熱除則胃寒氣逆而噦矣凡遇濕多熱少之證俟其熱少除卽用此以溫胃燥濕其治熱多濕少當反此推之

合論金匱猪膏髮煎茵陳五苓散二方

此治濕熱中重加燥證之方也燥者秋令也夏月火炎土燥無俟入秋濕土轉燥之證已多不可不察况乎鬱蒸之濕熱必先傷乎肺金肺金一燥則周身之皴揭禁固有不可勝言者所以仲景於痺

證中出此二方。後人罔解其意。按劍相盼。不敢取用。詎不深可惜乎。然燥有氣血之分。猪膏煎藉血餘之力。引入血分。而潤其血之燥。并藉其力。開膀胱瘀血。利其小水。小水一利。將濕與熱且俱除矣。其五苓散原有燥濕滋乾二用。今人頗能用之。本草言茵陳能除熱結黃瘴。小便不利。用之合五苓。以潤氣分之燥。亦并其濕與熱而俱除矣。製方之妙。夫豈思議之可幾哉。

猪膏髮煎○肘後方云。女勞瘵。身目盡黃。發熱。惡瘡。小腹滿。小便難。以大熱大勞。交接入水。

所致者。用此方。又云。五癰。身體四肢微腫。胸
 滿。不得汗。汗出如黃蘗汁。由大汗出入水所
 致者。猪脂一味服。其意以身內黃水。因受外
 水。遏抑而生。與仲景治血燥之意相遠。惟傷
 寒類要云。男子。女人。黃痺。食飲不消。胃脹熱
 生。黃衣病在。痲胃中有乾屎。使然。猪脂煎服。下乃
 愈。是則明指血燥言矣。蓋女勞痺。血瘀膀胱。
 非直入血分之藥。必不能開。仲景取用虫蟲。
 水。蛭。礬石。無非此義。然虫。蛭。過峻。不可以治。
 女勞。礬石。過燥。又不可以治。女勞之燥。故更

而無立此方以濟之世之入多寶山而空手歸者
其可勝道哉。

茵陳五苓散○濕熱鬱蒸於內必先燥其肺氣
以故小水不行五苓散開腠理致津液通血
氣且有潤燥之功而合茵陳之辛涼清理肺
燥肺金一潤其氣清肅下行膀胱之壅熱立
通小便利而黃去矣。

論金匱硝石礬石散方○

此治女勞瘵之要方也原文云黃家日晡所發熱
而反惡寒此爲女勞得之膀胱急小腹滿身盡黃

額上黑。足下熱。因作黑痺。其腹脹如水狀。大便必黑。時溏。此女勞之病。非水也。腹滿者難治。硝石礬石散主之。從來不解。用硝石之義。方書俱改爲滑石。礬石散。方下。謬云。以小便出黃水爲度。且并改大黃。硝石湯。爲大黃滑石湯。醫學之陋。一至此乎。夫男子血化爲精。精動則一身之血俱動。以女勞而傾其精。血必繼之。故因女勞而尿血者。其血尚行。猶易治也。因女勞而成痺者。血瘀不行。爲難治矣。甚者血瘀之久。大腹盡滿。而成血蠱。尤爲極重。而難治矣。昧仲景之文。反製方之意。女勞痺。非亟

去其膀胱少腹之瘀血。萬無生路。枉傷寒熱瘀膀胱之證。其人下血乃愈。血不下者。用抵當湯下之。亦因其血之暫結。可峻攻也。此女勞瘵畜積之血。必匪朝夕。峻攻無益。但取石藥之悍。得以疾趨而下。達病所。硝石鹹寒。走血可消。逐其熱瘀之血。故以爲君。礬石本草謂其能除鋼熱。拄骨髓。用以清腎及膀胱藏府之熱。並建消瘀除濁之功。此方之極妙極妙者也。以陳無擇之賢模稜。兩可其說。謂無發熱惡寒脈滑者。用此湯。若發熱惡寒其脈浮緊。則以滑石石膏治之。青天白日。夢語喃喃。况其

他乎世豈有血畜下焦反見浮滑且緊之脈者乎
妄矣妄矣

夏月天氣之熱與地氣之濕交蒸人受二氣內鬱不
散發爲黃痺與龕醬無異必從外感汗下吐之法
去其濕熱然夏月陽外陰內非如冬月傷寒邪氣
伏藏難動之比仲景慎用三法之意昌明之矣其
穀痺酒痺女勞痺則病自內傷與外感無涉仲景
補內經之闕曲盡其微昌并明之矣至於陰痺一
證仲景之方論已亡千古之下惟羅謙甫茵陳附
子乾薑甘草湯一方治用寒涼藥過當陽痺變陰

之證有合往轍此外無有也今人但云陽瘰色明
陰瘰色晦此不過氣血之分辨之不清轉足誤人
如酒瘰變黑女勞瘰額上黑豈以其黑遂謂陰瘰
可用附子乾薑乎夫女勞瘰者真陽爲血所壅閉
尚未大損瘀血一行陽氣卽通矣陰瘰則真陽衰
微不振一任濕熱與濁氣敗血團結不散必復其
陽錮結始開儻非離照當空幽隱胡繇畢達耶學
者試於前卷方論中究心焉思過半矣

律三條

黃痺病得之外感者，誤用補法，是謂實實，醫之罪也。黃痺病得之內傷者，誤用攻法，是謂虛虛，醫之罪也。陰痺病，誤從陽治，襲用苦寒，倒行逆施，以致極重，不返者，醫殺之也。

陰痺無熱惡寒，小便自利，脈遲而微，誤開鬼門，則肌膚冷，鞭自汗不止，誤潔淨府，則膀胱不約，小便如奔，死期且抔，旦暮况於吐下之大謬乎。卽以平善之藥，遷延亦爲待斃之術耳。抔半陰半陽之證，其始必先退陰復陽，陰退乃從陽治。若以附子黃

黃蘗門諸方

金匱桂枝黃蘗湯 方見水腫門

金匱小柴胡湯 方見嘔吐門

金匱瓜蒂散 方見三氣門

金匱小建中湯 方見虛勞門

金匱小半夏湯 方見消渴門
方論俱見前

○金匱大黃硝石湯

大黃

黃蘗一

硝石 各四兩

梔子 十五枚

石四味。以水六升。煮取二升。去滓。內硝更煮取一

升頓服。

○金匱梔子大黃湯

梔子 十四枚

大黃 一兩

枳實 五枚

豉 一升

四味以水六升。煮取二升。分溫三服。

○金匱茵陳蒿湯

三方合論見前

茵陳蒿 六兩

梔子 十四枚

大黃 二兩

右三味以水一斗。先煮茵陳減六升。內二味。煮取三升。去滓。分溫三服。小便當利尿。如皂角汁狀。色

正赤。一宿腹減。黃從小便去也。

按黃瘴宜下之證頗多。如酒瘴腹滿鼻燥。脉沉弦

者宜先下之。如病瘧以火劫其汗而熱合蒸其濕。一身盡發熱。面黃肚熱。熱在裏。當下之前。一方大黃硝石湯。治瘧病邪熱內結。并膀胱俱結之重劑。中一方。治酒熱內結。且并肌表俱受熱結之下劑。未一方。治穀瘧。瘧熱在裏。似表實非表熱之下劑。學者比而參之。其用下之權宜。始得了然胸中也。

○金匱茵陳五苓散 潤氣分燥熱

茵陳蒿末 十分 五苓散 五分方見痰飲

右二味和勻。先食飲方寸匙。日三服。

○金匱猪膏髮煎 潤血分燥熱

○猪膏

半斤

亂髮

如鷄子大三枚

右二味和膏中煎之。髮消藥成。分再服。病從小便出

按二方一治氣分之燥。一治血分之燥。方論見前。

○硝石礬石散

治女勞瘵

硝石

礬石

燒等分

○麻黃醇酒湯

治黃痺表實

麻黃

三兩

右一味以美清酒五升。煮取二升半。頓服盡。冬月

用酒。春月用水煮之。

○茵陳附子乾薑甘草湯

治陰黃一名茵陳四逆湯

治發黃脈沉細遲肢體逆冷腰以上自汗

茵陳 二兩
乾薑 炮一兩半
附子 一枚切八片炮

甘草 炙一兩

右為粗末分作四貼水煎服

○小茵陳湯 治發黃脈沉細遲四肢及遍身冷

茵陳 二兩
附子 一枚切八片炮
甘草 炙一兩

右為粗末用水二升煮一升溫分三服

○茵陳附子湯 治服四逆湯身冷汗不止者

茵陳 一兩半
附子 二枚各切八片炮
乾薑 炮二兩半

右為粗末水煎分三服

茵陳茱萸湯 治服茵陳附子湯證未退及脈者伏

吳茱萸 一兩 當歸 三分 附子 二枚各切

茵陳 木通 一兩 乾薑 炮 茵陳 各一兩半

右為粗末。分作二服。水煎。

○韓氏茵陳橘皮湯 治身黃脈沉細數。身熱而手

○小足寒喘嘔煩燥不渴者。

茵陳 末 橘皮 生薑 各一兩

白朮 一分 半夏 茯苓 各半兩

右為末。水四升。煮取二升。頓溫。分作四服。

按此係足太陰證。少兼足陽明耳。

○韓氏茵陳茯苓湯

治發黃脈沉細數。四肢冷。小便濇。煩燥而渴。

茯苓

桂枝

猪苓

各一兩

滑石

一兩半

茵陳

一兩

右為末。每服半兩。水煎服。如脈未出。加當歸。

○麻黃連翹赤小豆湯

治身熱不去。瘀熱在裏。發黃小便微利。

麻黃

連翹

各一兩

赤小豆

一合

右咬咀作一服水煎。

○抵當湯

治太陽傷寒。頭痛身熱。法當汗解。反利。

○小便熱癢膀胱則身黃脈沉少腹硬小便自利其人如狂者下焦有血也宜此湯主之

水蛭

蝨蟲

各十箇

大黃

一兩

桃仁

十二箇

○右剉作一服水煎食前服輕者用桃仁承氣湯

按麻黃連翹赤小豆方乃仲景治傷寒發黃熱癢在表之方也此方乃仲景治傷寒發黃熱癢在裏血畜下焦之方也採而錄之者見雜證當比類而思治儻因同脈同證同則用當而通神矣

○半夏湯治酒癰身黃無熱清言了了腹滿欲嘔

○白心煩足熱或癥瘕心中懊懣其脈沉弦或緊細

半夏 茯苓 白朮 各三兩

前胡 枳殼 炒 甘草

大戟 炒各三兩 黃芩 茵陳

當歸 各一兩

右咬咀每服四錢水煎入薑三片空心服。

按金匱云酒黃痺者或酒無熱清言了了腹滿欲

吐鼻燥其脈浮者先吐之沉弦者先下之誨人察

脈辨證而用治得其先務其指已明不必出方也

後人模倣爲此一方揉入他證他脈真同說夢

○藿脾飲 戴氏

治酒痺

藿香葉

枇杷葉

去毛

桑白皮

陳橘皮

乾葛

白茯苓

雞距子

各等分

右水煎下酒煮黃連丸。

○梔子大黃湯

治酒痺心中懊憹或熱痛。

山梔

十四枚

大黃

一兩

枳實

五枚

豆豉

一升

右四味以水六升煎取二升分溫三服。

○白木湯

三因

治酒痺因下後變為黑痺目青面黑

心中如啖蒜薹狀大便黑皮膚不仁脈微而數

白朮

桂心 各一錢

枳實 麩炒

豆豉

甘葛

杏仁

甘草 炙各五分

水一鍾煎至七分食前服

按陳無擇倣金匱酒痺下之久久為黑痺全文而製此方祇從酒熱起見漫不識其來意詎知榮衛之氣以久下而陷不易升布乃至索然不運於周身而周身之血亦瘀黯而變黑色是必先復其營衛之氣隨聽營衛運退其瘀黯然後為可無擇賢者且不深究厥旨他何望耶

○酒煮黃連丸 治酒痺 方見三氣門

○加味四君子湯 治色痺

人參

白朮

白茯苓

白芍藥

黃芪 炙

白扁豆 炒各三錢

甘草 炙一錢

水二鍾。生薑五片。紅棗二枚。煎一鍾。服無時。

○腎痺湯 治腎痺目黃。渾身金色。小便赤澁。

升麻根 半兩

蒼朮

防風根

獨活根

白朮

柴胡根

羌活根

葛根 各半錢

白茯苓

猪苓

澤瀉

甘草根

各三分

黃蘗 二分

人參

神麴

各六分

分作二貼。水煎食前稍熱服。

按東垣之製此方。無非欲解散腎藏之瘀熱傳出膀胱之府。俾得表裏分消耳。究竟所用表藥之根。終是體輕無力。不能深入。更不能透瘀熱壘。雖有深心。亦不過無可奈何之方而已。醫而不從事。仲景能免面牆而立乎。

○小兒絲子丸 治女勞瘵

治腎氣虛損五勞七傷

少腹拘急。四肢酸疼。面色黧黑。唇口乾燥。目

暗耳鳴。心忪氣短。夜夢驚恐。精神困倦。喜怒無
 常。悲憂不樂。飲食無味。舉動乏力。心腹脹滿。脚
 膝痿緩。小便滑數。房室不舉。股內濕癢。水道澀
 痛。小便出血。時有遺瀝。並宜服之。久服填骨髓。
 續絕傷。補五藏。去萬病。明視聽。益顏色。輕身延
 年。聰耳明目。

石連肉 二兩

白茯苓

蒸一兩

兔絲子

酒浸 研 五兩

懷山藥

二兩小 半打糊

右爲細末。用山藥糊搜和爲丸。如梧子大。每服五
 十九。溫酒或鹽湯下。空心服。如脚膝無力。木瓜湯

下晚食前再服。

按後人製方。方下必誇大其辭。令用者欣然樂從。似此一方。立於無過之地。洋洋盈耳。何不可耶。

○崔氏八味丸 治女勞瘵

方見二卷中寒門

○滑石散 治女勞瘵。詳辨其訛。宜合前論細閱。

滑石 一兩半
白礬 一兩枯

右爲細末。每服二錢。用大麥粥清食前調服。以小便出黃水爲度。

按此方卽金匱硝石礬石散也。後人不解用硝石之意。狂瞽輕變其藥。并變方名。前有顛論論之矣。

茲再托出金匱製方奧義。相與明之。蓋少陰主內。一身精血。悉屬主管。血雖化於脾。生於心。藏於肝。苟少陰腎之主內者病。則脾莫得而化血。心莫得而生血。肝莫得而藏血。營衛之運行稽遲。充身之血液敗結。乃至爲乾血勞。爲女勞瘵。向非亟去其敗結。新血不生。將其人亦不生矣。原方取用硝石鹹寒壯水之主。以驅滌腸胃瘀壅之濕熱。推陳致新。合之礬石能除固執之在骨髓者。並建消瘀除濁之偉績。以大麥粥爲使。引入腸胃。俾瘀血分從二陰之竅而出。大便屬陰其色黑。小便屬陽其色

黃可互驗也。後之無識者更硝石為滑石，但取小便色黃為驗，并不問大便之色黑。疎陋極矣。陳無擇從諛其說，擬議於二方之間，門外之漢，不足責也。古今之以小成自狃者，獨一無擇乎哉。

○茯苓滲濕湯

治黃痺寒熱嘔吐渴欲飲水身體

面目俱黃小便不利全不食不得卧

茵陳 七分

白茯苓 六分

木猪苓

澤瀉

白朮

陳皮

蒼朮

米泔浸一宿咀炒

黃連

各五分

山梔

炒

秦艸

防已

葛根

各四分

水二鍾煎七分食前服

按方下諸證俱係邪熱壅盛於胃雖全不食似虛實非虛也故可用之散邪解熱

○參朮健脾湯 治發黃日久脾胃虛弱飲食少思

人參

白朮 各一錢半

白茯苓

陳皮

白芍藥 煨

當歸 各一錢

炙甘草 七分

水二鍾棗二枚煎八分食前服

色瘕加炙黃芪白扁豆 各一錢

按此一方為中氣虛弱而設故不治其瘕但補其中較前一方天淵故兩備酌用

○當歸秦芫散 治五癰口淡咽乾倦怠發熱微寒

白朮

茯苓

秦芫

當歸

川芎

芍藥

熟地黃 酒蒸

陳皮 各一錢

半夏麴

炙甘草 各五分

水二鍾薑三片煎八分食前服

濟生有肉桂小草名秦芫飲子

按此一方血虛熱入血分又非前中虛可用補氣

之比并錄以備酌用其虛勞證參養榮湯用之

○黃連散 治黃瘰大小便秘瀉壅熱累効

黃連 一兩

大黃 二兩 醋炒 黃芩

甘草 各一兩

右為極細末。食後溫水調下二錢。日三服。先用瓜蒂散搐鼻。取下黃水。却服此藥。按田野麤蠻之人。多有實證。可用此藥。若膏梁輩。縱有實熱。此方亦未可用。當以為戒。

茵陳附子乾薑湯 治陰黃

附子 炮去皮 三錢 乾薑 炮二錢 茵陳 一錢二分

草薺 錢煨一 白朮 四分 枳實 麩炒

半夏 製 澤瀉 各五分 白茯苓

橘紅 各三分 生薑 五片 水煎去滓涼服。

按此方治服寒涼藥過多變陰黃者。

○秦芫湯 治陰黃不欲聞人言小便不利。

秦芫 一兩 旋覆花 赤茯苓

炙甘草 各五錢 右咬咀每服四錢匕以牛乳汁

一盞煎至六分去滓不拘時溫服。

按此一方治胃中津虛亡陽而發陰黃者其證較前方所主之證迥別故兩錄之以備酌用然此證其脈必微弱伏結亡陽者亡津液也。

○治陰黃汗染衣涕唾黃

用蔓菁子搗末平旦以井華水服一匙日再加至

兩匙以知爲度。每夜小便中浸少許帛子。各書記日色漸退白則瘥。不過五升而愈。按此方退陰黃之不涉虛者。平中之奇。

一清飲 治痺證發熱

柴胡 三錢

赤茯苓 二錢

桑白皮 炒

川芎 各一錢 甘草 炙一錢

水二鍾。薑三片。紅棗一枚。煎一鍾。食前服。

按此一方治肝血肺氣交熱之證。輕劑可退熱也。

○青龍散

治風氣傳化。腹內瘀結。面目黃。風氣不

得泄爲熱中。煩渴引飲。

地黃

仙靈脾

防風 各二錢半

荆芥穗 一兩

何首烏

去黑皮米泔浸一宿竹刀切二錢半

右為末。每日三服。食後沸湯調下一錢。

按風氣發黃病在營衛之間者。方宜做此。

○小柴胡加梔子湯 治邪熱留半表半裏而發黃

者。仍以和其表裏為法。雖雜證不能外也。

柴胡 半斤

黃芩 三兩

人參 三兩

甘草 三兩

半夏 半斤

生薑 三兩

大棗 十二枚

梔子 三十枚

右八味。以水一斗二升。煮取六升。去滓。再煎取三

升溫服一升日三服



○水藥... 其... 山

... 山

... 山

... 山

肺癰肺痿門方目

金匱甘草乾薑湯

金匱射干麻黃湯

金匱皂莢丸

金匱厚朴麻黃湯

金匱澤漆湯

金匱麥門冬湯

金匱葶藶大棗瀉肺湯

金匱桔梗湯

金匱越婢加半夏湯

金匱小青龍加石膏湯

俱有論見前

外臺炙甘草湯

千金甘草湯

千金生薑甘草湯

千金桂枝去芍藥加皂莢湯

千金桔梗白散

千金葶藶湯

金匱甘肅湯

金匱要略卷之六

肺癰肺痿門

論一首

法十三條

律四條

論曰肺癰肺痿之證誰秉內照曠然洞悉請以一得之愚僭爲敷陳人身之氣稟命於肺肺氣清肅則周身之氣莫不服從而順行肺氣壅濁則周身之氣易致橫逆而犯上故肺癰者肺氣壅而不通也肺痿者肺氣委而不振也纔見久咳上氣先須防此兩證肺癰由五臟蘊崇之火與胃中停蓄之熱上乘乎肺肺受火熱熏灼卽血爲之凝血凝卽痰爲之裹遂成小癰所結之形日長則肺日脹而脅骨日昂迺至咳聲頻併濁痰如膠發熱畏寒日晡尤甚面紅鼻燥胸生

甲錯始先卽能辨其脈證屬表屬裏極力開提攻下
無不愈者奈何醫學無傳爾我形骸視等隔垣但知
見效治欬或用牛黃犀角糞以解熱或用膏子油粘
糞以潤燥或朝進補陰丸或夜服清胃散干蹊萬徑
無往非殺人之算病者亦自以爲虛勞尸瘵莫可奈
何迨至血化爲膿肺葉朽壞傾囊吐出始識其證十
死不救嗟無及矣間有癰小氣壯胃強善食其膿不
從口出或順趣肛門或旁穿脅肋仍可得生然不過
十中二三耳金匱治法最精用力全在末成膿之先
今人施於旣成膿之後其有濟乎肺痿者其積漸已

非一日其寒熱不止一端總由胃中津液不輸於肺。肺失所養轉枯轉燥然後成之。蓋肺金之生水精華四布者全藉胃土津液之富上供罔缺但胃中津液暗傷之實最多醫者粗豪不知愛護或腠理素疎無故而大發其汗或中氣素餒頻吐以倒傾其囊或瘴成消中飲水而渴不解泉竭自中或腸枯便秘強利以求其快漏卮難繼只此上供之津液坐耗岐途於是肺火日熾肺熱日深肺中小管日窒咳聲以漸不揚胸中脂膜日乾咳痰難於上出行動數武氣卽喘鳴冲擊連聲痰始一應金匱治法非不彰明然混在

肺癰一門。况難解其精意。大要緩而圖之。生胃津。潤肺燥。下逆氣。開積痰。止濁唾。補真氣。以通肺之小管。散火熱。以復肺之清肅。如半身痿廢。及手足痿軟。治之得法。亦能復起。雖云肺病。近在胸中。呼吸所關。可不置力乎。肺癰屬抃有形之血。血結宜驟攻。肺痿屬抃無形之氣。氣傷宜徐理。肺癰爲實。誤以肺痿治之。是爲實實。肺痿爲虛。誤以肺癰治之。是爲虛虛。此辨證用藥之大畧也。

金匱論肺癰肺痿之脈云。寸口脈數。其人咳。口中反有濁唾涎沫者。爲肺痿之病。若口中辟辟燥。咳卽胸

中隱隱痛脈反滑數此爲肺癰咳唾膿血脈數虛者爲肺痿數實者爲肺癰。

兩手寸口之脈原爲手太陰肺脈此云寸口脈數云滑數云數虛數實皆指左右三部統言非如氣口獨主右關之上也其人咳口中反有濁唾涎沫頃之遍地者爲肺痿言欬而口中不乾燥也若咳而口中辟辟燥則是肺已結癰火熱之毒出現於口咳聲上下觸動其癰胸中卽隱隱而痛其脈必見滑數有力正邪氣方盛之徵也數虛數實之脈以之分別肺痿肺癰是則肺痿當補肺癰當瀉隱

然言表

金匱論肺癰又云寸口脈微而數微則爲風數則爲熱微則汗出數則畏寒風中於衛呼氣不入熱過於榮吸而不出風傷皮毛熱傷血脈風舍於肺其人則咳口乾喘滿燥不渴時唾濁沫時時振寒熱之所過血爲之凝滯畜結癰膿吐如米粥始萌可救膿成則死。

肺癰之脈旣云滑數此復云微數者非脈之有不
同也。滑數者已成之脈。微數者初起之因也。初起
以左右三部脈微。知其衛中於風而自汗。左右三

部脈數知爲榮。吸其熱而畏寒。然風初入衛。尚隨呼氣而出。不能深入。所傷者不過扞於皮毛。皮毛者肺之合也。風由所合以漸舍肺。俞而咳唾振寒。茲時從外入者。從外出之。易易也。若夫熱過於榮。卽隨吸氣深入。不出而傷其血脈矣。衛中之風得榮中之熱。雷戀固結於肺葉之間。乃致血爲凝滯。以漸結爲癰膿。是則有形之敗濁。必從瀉肺之法而下驅之。若得其毒隨驅下移入胃。入腹入腸。再一驅卽盡去不雷矣。安扞始萌不救。聽其膿成而致肺葉腐敗耶。

金匱於二證用徹土繆綢之法治之於蚤然先從脈
辨其數虛數實次從口辨其吐沫乾燥然更出一捷
要之法謂咳嗽之初卽見上氣喘急者乃外受風寒
所致其脈必浮宜從越婢加半夏之法及小青龍加
石膏之法亟爲表散不爾卽是肺癰肺痿之始基故
以咳嗽上氣病證同敘於肺癰肺痿之下而另立痰
飲咳嗽本門原有深意見咳而至於上氣卽是肺中
壅塞逼迫難安尚何等待不急散邪下氣以清其肺
乎然亦分表裏虛實爲治不當誤施轉增其困矣
金匱云上氣面浮腫有息其脈浮大不治又加利尤

甚又云上氣喘而燥者屬肺脹欲作風水發汗則愈。上氣之候。至於面目浮腫。鼻有息音。是其肺氣壅。逼上而不下。加以其脈浮大。氣方外出。無法可令。內還而下趨。故云不治也。加利則上下交爭。更何以堪之。肺脹而發其汗者。卽內經開鬼門之法。一汗而令風邪先泄於肌表。水無風戰。自順趨而從下也。出若夫面目浮腫。鼻有息音。其痿全在氣逆。氣可外泄乎。况乎逆上者。未已可盡泄乎。外不可泄。而內又不能返。故云不治。良工苦心。以漸收攝其氣。順從膀胱之化。尚可得生。故知不治二字原

活。初非以死限之矣。

論金匱甘草乾薑湯○法云。肺痿吐涎沫而不咳者。其人不渴。必遺尿。小便數。所以然者。以上虛不能制下故也。此爲肺中冷。必眩。多涎唾。用甘草乾薑湯以溫之。若服湯已。渴者屬消渴。肺熱則膀胱之氣化亦熱。小便必赤澀而不能多。若肺痿之候。但吐涎沫而不咳。復不渴。反遺尿。而小便數者。何其與本病相反耶。必其人上虛不能制下。以故小便無所收攝耳。此爲肺中冷。陰氣上巔。侮其陽氣。故必眩。陰寒之氣凝滯津液。故多涎。

唾若始先不渴。服溫藥卽轉渴者。明是消渴。飲一
溲二之證。消渴又與癰疽同類。更當消息之矣。
論金匱射干麻黃湯○厚朴麻黃湯○二方
法云。欬而上氣。喉中水雞聲。射干麻黃湯主之。
咳而脈浮者。厚朴麻黃湯主之。

上氣而作水雞聲。乃是痰礙其氣。氣觸其痰。風寒
入肺之一驗耳。發表下氣。潤燥開痰。四法萃於一
方。用以分解其邪。不使之合。此因證定藥之一法
也。若咳而其脈亦浮。則外邪居多。全以外散爲主。
用法卽於小青龍湯中。去桂枝芍藥甘草。加厚朴

石膏小麥仍從肺病起見以故桂枝之熱芍藥之收甘草之緩槩示不用而加厚朴以下氣石膏以清熱小麥引入胃中助其升發之氣一舉而表解脈和於以置力於本病然後破竹之勢可成耳一經裁酌直若使小青龍載肺病騰空而去神哉快哉。

論金匱澤漆湯○法云咳而脈沉者澤漆湯主之。脈浮爲在表。脈沉爲在裏。表裏二字與傷寒之表裏大殊。表者邪在衛卽肺之表也。裏者邪在榮卽肺之裏也。熱過於榮吸而不出其血必結。血結則

痰氣必爲外裹。故用澤漆之破血爲君。加入開痰下氣清熱和榮諸藥。俾堅壘一空。元氣不損。製方之意若此。

論金匱皂莢丸。○法云。咳逆上氣。時時唾濁。坐不得眠。皂莢丸主之。

火熱之毒。結聚於肺。表之。裏之。清之。溫之。曾不少應。堅而不可攻者。又用此丸。豆大三粒。朝三服。暮一服。吞適病所。如棘針。徧刺四面。環攻。如是多日。庶幾無堅不入。聿成蕩洗之功。不可以藥之微賤而少之也。胸中手不可及。卽謂爲代針丸可矣。

論金匱麥門冬湯○法云火逆上氣咽喉不利止逆下氣者麥門冬湯主之。

此胃中津液乾枯虛火上炎之證。治本之良法也。夫用降火之藥而火反升。用寒涼之藥而熱轉熾者。徒知與火熱相爭。未思及必不可得之數。不惟無益而反害之。凡肺病有胃氣則生。無胃氣則死。胃氣者肺之母氣也。本草有知母之名者。謂肺藉其清涼。知清涼爲肺之母也。有貝母之名者。謂肺藉其豁痰。實豁痰爲肺之母也。然屢施於火逆上氣咽喉不利之證。而屢不應。名不稱矣。孰知仲景

有此妙法。於麥冬、人參、甘草、粳米、大棗、大補中氣。大生津液隊中。增入半夏之辛溫一味。其利咽下氣。非半夏之功。實善用半夏之功。擅古今未有之奇矣。

論金匱桔梗湯○法云、欬而胸滿振寒咽乾不渴時出濁唾腥臭。久久吐膿如米粥者。爲肺癰。桔梗湯主之。

此上提之法也。癰結肺中。乘其新造未固。提而出之。所提之敗血。或從唾出。或從便出。而可愈。與滋蔓難圖。膿成自潰之死證迥殊。膿未成時。多服此

種亦足以殺其毒勢而堅者漸瑕壅者漸通也然用藥必須有因此因胸滿振寒不渴病不枉裏而枉表用此開提其肺氣適爲恰當如其勢已入裏又當引之從胃入腸此法殊不中用矣

論金匱葶藶大棗瀉肺湯○法云肺癰不得卧葶藶

大棗瀉肺湯主之附方云肺癰胸滿脹一身面

目浮腫鼻塞清涕出不聞香鼻酸辛欬逆上氣喘

鳴迫塞葶藶大棗瀉肺湯主之三日一服可服至

三四劑先服小青龍湯一劑乃進

此治肺癰喫緊之方也肺中生癰不瀉其肺更欲

何待。然日久癰膿已成。瀉之無益。日久肺氣已索。瀉之轉傷。惟血結而膿未成。當亟以瀉肺之法奪之。亦必其人表證盡入於裏。因勢利導。乃可爲功。所附之方。項下純是表證。何其甘悖仲景而不辭。然亦具有高識遠意。必因其裏證不能少待。不得不用之耳。其云先服小青龍湯一劑。乃進情可識矣。論其常則當升散開提者。且未可下奪。論其急則當下奪者。徒牽制於其外。反昧膿成則死之大戒。安得以彼易此哉。

論金匱越婢加半夏湯○小青龍加石膏湯○二方

法云欬而上氣。此爲肺脹。其人喘目如脫狀。脈浮大者。越婢加半夏湯主之。又云肺脹欬而上氣。煩躁而喘。脈浮者。心下有水。小青龍加石膏主之。前一方麻黃湯中。以杏仁易石膏。而加薑棗。則發散之力微。而且緩。後一方中。以證兼煩躁。宜發其汗。麻桂藥中。加入石膏。其力轉猛。然監以芍藥五味子乾薑。其勢下趨水道。亦不至過汗也。越婢方中有石膏。無半夏。小青龍方中有半夏。無石膏。觀二方所加之意。全重石膏。半夏二物協力建功。石膏清熱。藉辛溫。亦能豁痰。半夏豁痰。藉辛涼。亦能

清熱不然石膏可無慮半夏在所禁矣前麥門冬
方中下氣止逆全藉半夏入生津藥中此二方又
藉半夏入清熱藥中仲景加減成方無非生心化
裁後學所當神往矣
再論肺痿肺癰之病皆燥病也肺稟清肅之令乃
金寒水冷之臟火熱熏灼久久失其清肅而變爲
燥肺中生癰其津液全裹其癰不溢於口故口中
辟辟然乾燥肺熱成痿則津液之上供者悉從燥
熱化爲涎沫濁唾證多不渴較胃中津液盡傷母
病累子之痿又大不同祇是津液之上輸者變爲

唾沫肺不霑其惠澤耳。若夫痿病津液不能滅火。反從火化。累年積歲。肺葉之間。釀成一大火聚。以清涼投之。扞格不入矣。然雖扞格固無害也。設以燥熱投之。以火濟火。其人有不坐斃者乎。半夏燥藥也。投入肺中。轉增其患。自不待言。但清涼既不能入。惟燥與燥相得。乃能入之。故用半夏之燥。入清涼生津藥中。則不但不燥。轉足開燥。其濁沫隨逆氣下趨。久久津液之上。輸者不結爲涎沫。而肺得霑其漬潤。痿斯起矣。人但知半夏能燥津液。孰知善用之。卽能驅所燥之津液乎。此精蘊也。

附方 六方係孫奇輩採附金匱者論具本方之下
外臺炙甘草湯治肺痿涎唾多心中溫溫液液者
千金甘草湯

千金生薑甘草湯治肺痿咳涎沫不止咽燥而渴
千金桂枝去芍藥加皂莢湯治肺痿吐涎沫

外臺桔梗白散治欬而胸滿振寒脈數咽乾不渴
時出濁唾腥臭久久吐膿如米粥者爲肺癰
千金葶苈湯治欬有微熱煩滿胸中甲錯爲肺癰

千金... 傳... 論... 賦...

千金... 賦...

校... 賦...

千金... 賦...

千金... 賦...

千金... 賦...

校... 賦...

千金... 賦...

律四條

凡肺痿病。多不渴。以其不渴。漫然不用生津之藥。任其肺日枯燥。醫之罪也。以其不渴。恣胆用燥熱之藥。勢必焯焯不救。罪加等也。

凡治肺痿病。淹淹不振。如魯哀朝。雖孔聖不討三家。僭竊但扶天常。植人紀。嘿惟宗社耳。故行峻法。大驅涎沫。圖速効。反速斃。醫之罪也。

凡治肺癰病。須與肺痿分頭異治。肺癰爲實。肺痿爲虛。肺癰爲陽實。肺痿爲陰虛。陽實始宜散邪。次宜下氣。陰虛宜補胃。津兼潤肺。燥若不分辨而悞治。

醫殺之也。

凡治肺癰病。以清肺熱。救肺氣。俾其肺葉不致焦腐。其生乃全。故清一分肺熱。卽存一分肺氣。而清熱必須滌其壅塞。分殺其勢於大腸。令濁穢膿血。日漸下移爲妙。若但清解其上。不引之下。出醫之罪也。甚有惡其下利。奔迫而急止之。罪加等也。

肺癰肺痿門金匱諸方

金匱甘草乾薑湯

甘草

炙四兩

乾薑

炮二兩

右咬咀以水三升。煮取一升五合去滓。分溫再服。

金匱射干麻黃湯

射干

十三枚

麻黃

四兩

生薑

四兩

細辛

三兩

紫苑

三兩

款冬花

三兩

五味子

半升

大棗

七枚

半夏

大者八枚洗一法半升

右九味以水一斗二升。先煮麻黃兩沸。去上沫。內

諸藥。煮取三升。分溫三服。

金匱皂莢丸

長八分三釐

皂莢

入兩刮去皮用酥炙

右一味末之蜜丸梧子大以棗膏和湯服三九日

三夜一服

金匱厚朴麻黃湯

厚朴

五兩

麻黃

四兩

石膏

如雞子大

杏仁

半升

半夏

半升

乾薑

二兩

細辛

二兩

小麥

一升

五味子

半升

右九味以水一斗二升先煮小麥熟去滓內諸藥

煮取三升溫服一升日三服

金匱澤漆湯

半夏 半升

煮取一斗五升

紫參 五兩 一作紫苑

生薑 五兩

澤漆 三斤 以東流水五斗

白前 五兩

甘草

黃芩

人參

桂枝 各三兩

右九味。咬咀。內澤漆汁中。煮取五升。溫服五合。至夜盡。

○金匱麥門冬湯

麥門冬 七升

半夏 一升

人參 三兩

甘草 二兩

粳米 三合

大棗 十二枚

右六味。以水一斗二升。煮取六升。溫服一升。日三夜一服。

○金匱葶藶大棗瀉肺湯

葶藶

熬令黃色搗丸如彈子大

大棗

十二枚

右先以水三升。煮棗取二升。去棗。內葶藶。煮取一升頓服。

○金匱桔梗湯

亦治

桔梗

一兩

甘草

二兩

右二味。以水三升。煮取一升。分溫再服。則吐膿血也。

○金匱越婢加半夏湯

麻黃 六兩

石膏 半斤

生薑 三兩

大棗 十五枚

甘草 二兩

半夏 半斤

右六味以水六升先煮麻黃去上沫內諸藥煮取

三升分溫三服

○金匱小青龍加石膏湯

麻黃

芍藥

桂枝

細辛

甘草

乾薑

五味子

半夏 各半升

石膏 二兩

右九味以水一斗先煮麻黃去沫內諸藥煮取三

升。強人服一升。羸者減之。日三服。小兒服四合。

外臺炙甘草湯。治肺痿咳嗽唾多。心中溫溫液液者。

甘草 四兩炙

桂枝

生薑 各三兩

麥門冬 半斤

麻仁 半升

人參

阿膠 各二兩

大棗 三十枚

生地黄 一斤

右九味以酒七升。水八升。先煮八味。取三升。去滓。

內膠消盡。溫取一升。日三服。

按炙甘草湯。仲景傷寒門。治邪少虛多。脈結代之。

聖方也。一名復脈湯。千金翼用之以治虛勞。即名。

為千金翼炙甘草湯。外臺用之以治肺痿。即名為。

外臺灸甘草湯。蓋以傷寒方中無治虛勞無治肺痿之條。而二書有之耳。究竟本方所治亦何止于二病哉。昌每用仲景諸方。卽爲生心之化裁。亦若是而已矣。外臺所取在於益肺氣之虛。潤肺金之燥。無出是方。至於桂枝辛熱。似有不宜。而不知桂枝能通營衛。致津液。營衛通。津液致。則肺氣轉輸。濁沫以漸而下。尤爲要藥。所以云治心中溫溫液液者。

千金甘草湯

甘草

右一味。以水三升。煮減半分。溫三服。
按本方用甘草一味。乃從長桑君以後。相傳之神
方也。歷代內府御院。莫不珍之。蓋和其偏。緩其急。
化其毒。卓然奉之爲先務。然後以他藥匡輔其不
逮。可得收功敏捷耳。今之用是方。徒見諸家方中。
競誇神功。及服之。不過小殺其勢。於三四日之間。
究不收其實效。遂以爲未必然耳。因並傳其次第。
以爲學者用方時。重加細繹耳。

千金生薑甘草湯

治肺痿咳涎沫不止。咽燥而悶。

生薑 五兩

人參 三兩

甘草 四兩

大棗 十五枚

右四味。以水七升。煮取三升。分溫三服。

按此方即從前甘草一味方中。而廣其法以治肺痿。胃中津液上竭。肺燥已極。胸咽之間。乾槁無耐之證。以生薑之辛潤。上行爲君。合之人參大棗甘草。入胃而大生其津液。於以回枯澤槁。潤咽快膈。真神方也。

千金桂枝去芍藥加皂莢湯 治肺痿吐涎沫

桂枝 二兩

生薑 三兩

甘草 二兩

大棗 十枚

皂莢 二枚 去皮

子炙黑 肺癰肺痿諸方 回生百多。上

右五味以水七升微火煮取三升分溫三服。按此方卽桂枝湯本方去芍藥加皂莢也。芍藥收陰酸斂非此證所宜故去之。皂莢入藥胸中如棘鍼四射不令涎沫壅遏故加之。此大治其榮衛之上着也。榮衛通行則肺氣不壅矣。

外臺桔梗白散

治欬而胸滿振寒脈數咽乾不渴。時出濁唾腥臭。久久吐膿如米粥者爲肺癰。

桔梗

貝母 各三分

巴豆

一分去皮熬研如脂

右三味爲散強人飲服半錢七。羸者減之。病在膈上者吐膿血膈下者瀉出。若下多不止飲冷水一

杯則定。

按咳而胸滿七證乃肺癰之明徵。用此方深入其阻，開通其壅遏。或上或下，因勢利導，誠先著也。雖有葶藶大棗瀉肺湯一方，但在氣分，不能深入。故用此方。於其將成膿未成膿之時，蚤爲置力。度不犯膿成則死之遲悞，豈不超乎。

千金葶藶湯 治欬有微熱煩滿胸中甲錯。是爲肺

癰。

葶藶 二升

薏苡仁 半斤

桃仁 五十枚

瓜瓣 半升

右四味以水一斗。先煮葶莖得五升。去滓。內諸藥。煮取二升。服一升。再服。當吐如膿。

按此方不用巴豆。其力差緩。然以桃仁。亟行其血。不令成膿。其意甚善。合之葶莖。薏苡仁。瓜瓣。清熱。排膿。行濁。消瘀。潤燥。開痰。收功于必勝。亦堂堂正。正。有制之師也。

總按肺爲嬌藏。肺氣素爲形寒。飲冷而受傷。久久。出汗過多。而不瘥。氣餒不振。卽爲肺痿。其風傷皮。毛熱傷血脈。風熱相搏。氣血稽留。遂爲肺癰。肺痿。多涎沫。乃至便下濁沫。肺癰多膿血。乃至便下膿。

積凡胃強能食而下傳者皆不死也夫血熱則肉
敗榮衛不行必將爲膿是以金匱以通行榮衛爲
第一義欲治其子先建其母胃中津液尤貴足以
上供而無絕乏後世諸方錯出不一不明大意今
一槩不錄只此金匱十五方而已用之不盡矣

醫門法律卷之六終

下... 醫門法律卷之六終

一粟不粒只此金圓十五式而曰用之不盡矣

上... 醫門法律卷之六終

一... 醫門法律卷之六終

一... 醫門法律卷之六終

虛勞門諸方

○金匱桂枝龍骨牡蠣湯

論見前 小品云虛弱浮熱汗出者除桂加白薇附

子各三分。故日二加龍骨湯

桂枝

芍藥

生薑 各三兩

甘草 二兩

大棗 十二枚

龍骨

牡蠣

右七味以水七升。煮取三升。分溫三服。

○金匱天雄散 有論

天雄 三兩炮

白朮 八兩

桂枝 六兩

龍骨 三兩

右四味杵為散。酒服半錢。七日三服。不知稍增之。

○金匱小建中湯 有論

桂枝 三兩 去皮 甘草 三兩 炙 大棗 十二枚

芍藥 六兩 生薑 二兩 膠飴 一升

右六味以水七升煮取三升。去滓內膠飴。更上微

火消解。溫服一升。日三服。中湯以甜故也。

千金療男女因積冷氣滯。或大病後不復常苦四肢沉重。骨肉痠疼。吸吸少氣。行動喘乏。胸滿氣急。腰背強痛。心中虛悸。咽乾唇燥。面體少色。或飲食無味。脇肋腹脹。頭重不舉。多臥少起。甚者積年。輕者百日。漸致瘦弱。五藏氣竭。則難可復常。六脉俱不足。虛寒。乏氣。少腹拘急。羸瘠百病。名曰黃芪建中湯。又有

人參二兩

○金匱黃耆建中湯 有論於小建中湯內加黃耆

者。加生薑。腹滿者去棗。加茯苓一兩半。及療肺虛損不足。補氣加半夏三兩。

○樂令建中湯 治臟腑虛損。身體消瘦。潮熱自汗。

將成癆瘵。此藥大能退虛熱。生血氣。

前胡 細辛 淨 黃耆 蜜塗炙

人參 桂心 橘皮 去白

○十當歸 洗去土 白芍藥 茯苓 去皮

麥門冬 去心 甘草 炙各一兩 半夏 湯洗七次 切七錢半

每服四錢水一盞薑四片棗一枚煎七分不拘時

熱服。

按樂令建中湯治虛勞發熱。以此並建其中之營。血益營行十二經脉之中。為水穀之精氣。故建其營。血亦得以建中名之耳。

○十四味建中湯 治營衛失調。氣血不足。積勞虛損。形體羸瘠。短氣嗜卧。欲成癆瘵。

當歸 酒浸焙

白芍藥

白朮

麥門冬 去心

甘草 炙

肉苳蓉 酒浸

人參

川芎

肉桂

附子 炮

黃耆

製半夏

熟地黃

酒蒸焙

茯苓

各等分

咬咀。每服三錢。水一盞。薑三片。棗一枚。空心溫服。
按十四味建中湯。治臟氣素虛。以之兩建其脾腎。
之陰陽。蓋虛勞病多本脾腎。故引伸建中之法。以
治之。二方乃後人超出之方也。

○金匱八味腎氣丸

有論。方見前。

○金匱薯蕷丸

有論。

薯蕷 三十分

當歸

桂枝

乾地黄

麴

豆黃卷

各十分

甘草 二十分

芎藭

麥門冬

芍藥

白朮

杏仁

各六分

人參 七分

柴胡

桔梗

茯苓 各五分

阿膠 七分

乾薑 三分

白蘇 二分

防風 六分

大棗 百枚
為膏

右二十一味。末之。煉蜜和丸。如彈子大。空腹酒服。

一丸。一百丸為劑。

○金匱酸棗仁湯 有論

酸棗仁 二升

甘草 一兩

知母 二兩

茯苓 二兩

芎藭 二兩

深師有生薑二兩

右五味。以水八升。煮酸棗仁得六升。內諸藥。煮取

三升。分溫三服。

○金匱大黃廐蟲丸 有論

大黃 十分蒸

黃芩 二兩

甘草 三兩

桃仁 一升

杏仁 一升

芍藥 四兩

乾地黃 十兩

乾漆 一兩

蜜蟲 一升

水蛭 百枚

蟻螬 一升

廐蟲 半升

右十二味末之。煉蜜和丸。小豆大。酒飲服五丸。日

三服。

○金匱附千金翼炙甘草湯 有論

甘草 四兩炙

桂枝

生薑 各三兩

麥門冬 半升

麻仁 半升

人參

虛勞方

阿膠 各二兩

大棗 三十枚

生地黃 一斤

右九味以酒七升。水八升。先煮八味。取三升。去滓。內膠消盡。溫服一升。日三服。

○金匱附肘後獺肝散 有論

獺肝一具。炙乾末之。水服方寸匕。日三服。

○十全大補散 治男子婦人諸虛不足。五勞七傷。不進飲食。久病虛損。時發潮熱。氣攻骨脊。拘急疼痛。夜夢遺精。面色痿黃。脚膝無力。喘嗽中滿。脾腎氣弱。五心煩悶。並皆治之。

肉桂

甘草

芍藥

黃耆

當歸

川芎

人參

白朮

茯苓

熟地黃

各等分

右爲麤末。每服二大錢。水一盞。生薑三片。棗二枚。煎至七分。不拘時溫服。

按此方合黃耆建中湯。四君子湯。四物湯。三方。其得十味。合天地之成數。名曰十全大補。以治氣血俱衰。陰陽並弱之候。誠足貴也。但肉桂之辛熱。未可爲君。審其腎虛。腰腹痛。少用肉桂。若營衛之虛。須少用桂枝調之。取爲佐使可也。

○聖愈湯 治一切失血。或血虛煩渴燥熱睡卧不

寧。或瘡證膿水出多。五心煩熱作渴等證。

熟地黃

生者自製

生地黃

當歸

酒拌各一錢

人參

黃芪

炒

川芎

各一錢

右水煎服

按失血過多。久瘡潰膿水不止。雖曰陰虛。寔未有
不兼陽虛者。合用人參黃耆。允為良法。凡陰虛證
大率宜做此矣。

○黑地黃丸

治陽盛陰衰。脾胃不足。房室虛損。形

瘦無力。面多青黃。而無常色。此補氣益胃之劑。

也。

蒼朮 一斤酒浸 熟地黄 一斤 五味子 半斤

乾薑 秋冬一兩夏半兩春七錢

右為細末。棗肉丸。如梧子大。食前米飲或酒服百丸。治血虛久痔甚妙。經云。腎苦燥。急食辛以潤之。此藥開腠理。生津液。通氣。又五味子酸。以收之。此雖陽盛而不燥熱。乃是五藏虛損於內。故可益血收氣。此藥類象神品方也。按此方以蒼朮為君。地黄為臣。五味子為佐。乾薑為使。治脾腎兩藏之虛。而去脾濕。除腎燥。即兩擅

虛勞方

其長。超超玄箸。視後人之脾腎雙補。藥品龐雜者。相去豈不遠耶。

○還少丹。大補心腎脾胃一切虛損。神志俱耗。筋力頓衰。腰脚沉重。肢體倦怠。血氣羸乏。小便渾濁。

乾山藥

牛膝

遠志

去心

山茱萸

去核

白茯苓

去皮

五味子

巴戟

酒浸去心

肉蓯蓉

酒浸一宿

石菖蒲

楮實

杜仲

去粗皮薑汁酒拌同炒斷絲

舶茴香

各一兩

枸杞子

熟地黃

各二兩

此據寶鑑所定考楊氏原方。山藥牛膝各一兩。半。茯苓菜萸楮實杜仲五味巴戟菴蓉遠志。荷

香各一兩。菖蒲地

黃枸杞各半兩。

右為細末煉蜜同棗肉為丸。如桐子大。每服三十

丸。溫酒或鹽湯下。日三服。食前五日覺有力。十日

精神爽。半月氣壯。二十日目明。一月夜思飲食。冬

月手足常暖。久服令人身體輕健。筋骨壯盛。悅澤

難老。更看體候加減。如熱加山梔仁一兩。心氣不寧

加麥門冬一兩。少精神加五味子一兩。陽弱加續斷一兩。

常服固齒無瘡。瘧婦人服之容顏悅澤。煖子宮去

一切病。

按楊氏製此方。緩補心腎脾肺。正合內經勞者溫之。損者溫之之義。溫養和平。以俟虛羸之自復耳。虛勞纔見端者。宜之。若病勢已成。此方又迂緩不切矣。大約中年無病男女。服之必効。方名還少丹。意可知也。

○人參養榮湯 治脾肺俱虛。發熱惡寒。肢體瘦倦。食少作瀉等證。若氣血虛而變見諸證。勿論其病。勿論其脉。但用此湯。其病悉退。

白芍藥

一錢五分

人參

陳皮

黃芪

蜜炙

桂心

當歸

白朮

甘草 炙各一錢

熟地黃

五味子

炒杵

茯苓

各七分半

遠志

去心五分

右薑棗水煎服

按方中諸品為心脾二藏之藥於補肺殊不甚切然養榮之法正當補養心脾以營為水穀之精氣脾得以主之及行至上焦則肺衛心榮各分氣血所主固知養榮原不及於肺方下所註肺虛誤也

昌

因養榮之義關於虛勞最切故辨之

○參朮膏

治中風虛弱諸藥不應或因用藥失宜

耗傷元氣虛證蜂起但用此藥補其中氣諸證

自愈。

人參

自木 各等分

右水煎稠湯化服之

按方下所治。非爲虛勞設也。而治虛勞尤在所必。用藥品精貴。功效敏速。莫踰於此。後人增以仁蓮。肉黃芪。茯苓。神麴。澤瀉。甘草。七味。吾不知於補元氣之義何居。而鄙吝之人見之。未有不欣然從事者矣。

○人參散

治邪熱客經絡。痰嗽煩熱。頭目昏痛。盜

汗倦怠。一切血熱虛勞。

黃芩 半兩

人參

白朮

茯苓

赤芍藥

半夏麴

柴胡

甘草

當歸

乾葛 各一兩

每服三錢。水一盞。薑四片。棗二枚。煎七分。不拘時

溫服。

按此方治邪熱淺在經絡。未深入臟腑。雖用柴胡。乾葛之輕。全藉參朮之力。以達其邪。又恐邪入痰。隧用茯苓半夏兼動其痰。合之當歸赤芍黃芩。并治其血中之熱。且止用三錢為劑。蓋方成知約庶。

幾敢用柴胡乾葛耳此許叔微之方一種深心。目
故發之

○保真湯 治勞證體虛骨蒸服之清補。

當歸 生地黃 熟地黃

黃芪 蜜水炙 人參 白朮

甘草 白茯苓 各五分 天門冬 去心

麥門冬 去心 白芍藥 黃蘗 鹽水炒

知母 五味子 軟柴胡

地骨皮 陳皮 各一錢 蓮心 五分

水二鍾。薑三片。棗一枚。煎八分。食遠服。

按此方一十八味十全大補方中已用其九獨不用肉桂耳然增益地黃代川芎之上竄尤為合宜。餘用黃檗知母五味子滋益腎水二冬地皮清補其肺柴胡入肝清熱陳皮助脾行滯全重天冬麥冬黃栢知母五味地皮柴胡不獲已借十全大補以行之耳其意中實不欲大補也然亦一法錄之。

○三才封髓丹 降心火益腎水滋陰養血潤補不燥。

天門冬 去心

熟地黃

人參 各半兩

黃檗 三兩

砂仁 一兩半

甘草 七錢半

石六味爲末。麪糊丸。桐子大。每服五十九。用菘蓉半兩切作片。酒一盞浸一宿。次日煎三四沸去滓。空心食前送下。

按此於三才丸方內加黃檗砂仁甘草。以黃檗入腎滋陰。以砂仁入脾行滯。而以甘草少變天冬黃檗之苦。俾合人參建立中氣。以伸參兩之權。殊非好爲增益成方之比。故錄用之。

○天真丸 治一切亡血過多。形槁肢羸。食飲不進。腸胃滑泄。津液枯竭。久服生血養氣。暖胃駐顏。

精羊肉

七斤去筋膜脂皮
披開入下藥末

肉菘蓉

十兩

當歸十二兩 洗去蘆

山藥濕者去皮 十兩

天門冬去心焙 乾一斤

右四味爲末。安羊肉內裏縛。用無灰酒四瓶。煮令酒盡。再入水二升。煮候肉糜爛。再入

黃耆末五兩

人參末三兩

白朮末二兩

熟糯米飯。焙乾作餅。將前後藥末和丸。桐子大。一日二次。服三百丸。溫酒下。如難丸。用蒸餅五七枚。焙乾。入臼中杵千下丸之。

按此方可謂長於用補矣。人參羊肉同功。而菘蓉山藥爲男子佳珍。合之當歸養營。黃耆益衛。天冬保肺。白朮健脾。而其法製甚精。允爲補方之首。

○麥煎散 治少男室女骨蒸黃瘦口臭肌熱盜汗。

婦人風血攻疰四肢。

赤茯苓

當歸

乾漆

鼈甲 醋炙

常山

大黃 煨

柴胡

白朮

生地黄

石膏 各一兩

甘草 半兩

右為末。每服三錢。小麥五十粒。水煎。食後臨卧服。若有虛汗。加麻黃根一兩。

按此方治肝肺脾胃火盛灼乾營血。乃致口臭肌

熱可驗。故用潤血行瘀之法。以小麥煎之。引入胃

○中蓋胃之血乾。熱熾大腸。必然枯燥。服此固可無疑。然更加人參助胃真氣。庶可多服取效也。

○人參地骨皮散 治藏中積冷營中熱。按之不足。

舉之有餘。陰不足而陽有餘也。

茯苓 半兩

知母

石膏 各一兩

地骨皮

人參

柴胡

生地黄

各一兩
五錢

右咬咀。每服一兩。生薑三片。棗一枚。水煎細細溫服。間服生精補虛地黄丸。

按藏中積冷營中熱。冷熱各偏。為害不一。此方但

可治營熱耳。於藏冷無預也。方後云間服生精補血地黃丸。豈一方中不當兩涉耶。又豈以治營熱為最急。無暇分功于藏冷耶。如法用之。俟營熱稍清。兼治藏冷。要亦用藥之小權衡耳。

東垣補中益氣湯

黃芪

一錢五分

人參

甘草

炙各一錢

白朮

當歸身

柴胡

升麻

陳皮

各五分

右咬咀水煎

○益胃升陽湯

前方加

炒麴 一錢五分

生黃芩

瀉盛暑之伏庚金肺逆 每服少許秋涼去之

右咬咀水煎

丹谿大補丸

黃栢 炒褐色

知母 酒浸炒 各四兩

熟地黃 酒蒸

敗龜板 酥炙黃為末 各六兩

右為末豬脊髓和煉蜜丸如桐子大每七十九空

心淡鹽湯送下

○補陰丸

黃栢 半斤鹽酒炒

知母 酒浸炒

熟地黃 各三兩

敗龜板 四兩酒浸炒

白芍 炒

陳皮 各一兩半

牛膝 各二兩

瑣陽

當歸 各一兩半

虎骨

一兩酒浸酥炙

右為末酒煮羊肉丸如桐子大每五六十九鹽湯

下冬加乾薑半兩

嚴氏芪附湯 治氣虛陽弱虛汗不止肢體倦怠

黃芪

蜜炙

附子

炮等分

咬咀每四錢加生薑煎

參附湯 治真陽不足上氣喘急自汗盜汗氣短

頭暈

人參

半兩

附子

炮去皮臍一兩

又咀分作三服加生薑煎

後漢書

水腫門

論三首合論金匱方六條
律七條附論海藏法一條

水腫論

喻昌曰病機之切於人身者水火而已矣。水流濕。火就燥。水柔弱。火猛烈。水泛溢於表裏。火遊行於三焦。拯溺救焚。可無具以應之乎。經謂二陽結謂之消。三陰結謂之水。手足陽明熱結而病消渴。火之爲害已論之矣。而三陰者。手足太陰脾肺二藏也。胃爲水穀之海。水病莫不本之於胃。經乃以屬之脾肺者。何則。使足太陰脾足以轉輸水精於上。手太陰肺足以通調水道於下。海不揚波矣。惟脾肺二藏之氣結而不

行。後乃胃中之水日蓄。浸灌表裏無所不到也。是則脾肺之權。可不伸耶。然其權尤重於腎。腎者胃之關也。腎司開闔。腎氣從陽則開。陽太盛則闔門大開。水直下而爲消。腎氣從陰則闔。陰太盛則闔門常闔。水不通而爲腫。經又以腎本肺標。相輸俱受爲言。然則水病以脾肺腎爲三綱矣。於中節目尤難辨晰。金匱分五水之名。及五藏表裏主病。徹底言之。後世漫不加察。其治水輒宗霸術。不能行所無事。可謂智乎。五水者。風水。皮水。正水。石水。黃汗也。風水其脉自浮。外證骨節疼痛惡風。渾是傷風本證。從表治之宜矣。皮

水其脉亦浮外證跗腫按之沒指不惡風其腹如鼓
不渴當發其汗證不同而治同其理安在則以皮毛
者肺之合也肺行營衛水漬皮間營衛之氣臏鬱不
行其腹如鼓發汗以散皮毛之邪外氣通則內鬱自
解耳正水其脉沉遲外證自喘北方壬癸自病陽不
上通關門閉而水日聚上下溢於皮膚跗腫腹大上
爲喘呼不得卧腎本肺標子母俱病也石水其脉自
沉外證腹滿不喘所主在腎不合肺而連肝經謂肝
腎并沉爲石水以其水積胞中堅滿如石不上大腹
適在厥陰所部卽少腹疝瘕之類也不知者每治他

病誤動其氣。上爲嘔逆。多主死也。巢氏病源謂石水自引兩脇下脹痛。或上至胃脘則死。雖不及於誤治。大抵肝多腎少之證耳。黃汗汗如藥汁。其脉沉遲。身發熱。胸滿。四支頭面腫。久不愈。必致癰膿。陰脉陽證。腎本胃標。其病皆胃之經脉所過。後世名之痺水者。是也。夫水飲入胃不行。鬱而爲熱。熱則營衛之氣亦熱。熱之所過。末流之患。不可勝言。皆從痺水而浸淫不已耳。然水在心之部。則鬱心火。炳明之化。水在肝之部。則鬱肝木。發生之化。水在肺之部。則孤陽竭於外。其魄獨居。水在脾之部。則陰竭於內。而穀精不布。

水在腎之部。不但諸陽退伏。卽從陽之陰亦且退伏。孤陰獨居於下。而隔絕也。故胃中之水。惟恐其有火。有火仍屬消渴。未傳中滿之不救。腎中之水。惟恐其無火。無火則真陽滅沒。而生氣內絕。其在心之水。遏抑君火。若得脾土健運。子必救母。卽在肝在肺在腎之水。脾土一旺。水有所制。猶不敢於橫發。第當懷山襄陵之日。求土不委。頽足矣。欲土宜稼穡。豈不難哉。夫水土平成。以神禹爲師。醫門欲平水土。不師仲景而誰師乎。

水腫脉論

喻昌曰。諸病辨脈。以浮沉遲數四脈爲綱。而水病之精微要渺。莫不從此四字叅出。其及於弦緊微潛伏。潛之脈者。愈推愈廣之節目耳。風水脈浮。此定法也。然有太陽脈浮之風水。有肝腎并浮之風水。有勇而勞汗之風水。有面肘龐鬱壅害於言之風水。治法同一。開鬼門而標中之本。則微有分矣。抑且當汗之證。渴而不利。小便數。皆不可發汗。可不辨而犯其戒乎。脈沉曰水。此定法也。而肝腎并沉爲石水。沉伏相搏。名曰水。少陰脈繁而沉。緊則爲痛。沉則爲水。脈得諸沉。當責有水。身體腫重。水病脈出者死。沉爲水。緊爲

寒沉緊相搏。結在關元。沉爲裏水。水之爲病。其脈沉。小屬少陰。內經明有潔淨府之法。金匱治諸沉脈。俱不及之。另曰腰以下腫者。宜利小便。又曰小便自利者。愈。正恐沉微沉遲。腎氣衰少。誤用其法耳。已上所論浮沉諸脈。皆顯明而可解者也。至論遲數之脈。謂寸口脈浮而遲。浮脈則熱。遲脈則潛。熱潛相搏。名曰沉。跌陽脈浮而數。浮脈卽熱。數脈卽止。數止相搏。名曰伏。沉伏相搏。名曰水。沉則絡脈虛。伏則小便難。虛難相搏。水走皮膚。卽爲水矣。如是言脈。截斷衆流。令聽明知見。全不得入。豈非最上一乘乎。寸口者肺脈。

所過。跌陽者。胃脈所過。二脈合診者。表章內經三陰結。謂之水。當以寸口跌陽定其診也。寸口脈浮而遲。浮爲衛爲陽。遲爲營爲陰。衛不與營和。其陽獨居。脈外則爲熱。營不從衛。匿於脈中則爲潛。營衛之間。熱潛之邪。相搏而至。則肺氣不能布化。故自結而沉也。脾與胃以膜相連而爲表裏。跌陽脈浮而數。胃陽不與脾陰相合。浮而獨居於表。則爲熱。脾陰不得胃陽以和。反爲國戚。陽氣所促而變數。數則陰血愈虛而止矣。數止相搏。名曰伏者。跌陽之脈本不伏。以熱止之。故而脈伏也。寸口之沉。跌陽之伏。相搏於中。則爲水。豈

非三陰結一定之診乎。然肺合皮毛者也。皮膚者絡脈之所過。肺沉而氣不爲克。營潛而血不爲養。則絡脈虛。脾爲胃結津液者也。脾伏則津液不入膀胱。故小便難。絡虛便難。水之積者乘虛而走皮間爲腫矣。金匱之書觀之不解。正精微所在。未可釋手也。寸口脈遲而濇。解見二卷。水寒中。然以寸口定肺之診矣。而肺者外合皮毛。內合大腸者也。外合皮毛。旣推皮虛所過絡脈之虛。水入爲腫矣。而內合大腸。豈無脈法以推之耶。金匱又曰寸口脈弦而緊。弦則衛氣不行。緊卽惡寒。水不活流。走於腸間。以浮遲弦緊爲肺

脈主水。表裏之分也。弦爲水。緊爲寒。水寒在肺。則營衛不溫。分肉而惡寒。肺之治節不行。不能通調水道。故水不活流。而但走大腸之合也。卽肺水者。其身腫。小便難。時時鴨瀆之互辭也。以跌陽定胃之診矣。而胃之或寒或熱。亦卽於脈之或緊或數而辨之。故曰跌陽脈當伏。今皮反緊。本自有寒疝。腹中痛。醫反下之。下之卽胸滿短氣。又曰跌陽脈當伏。今反數。本自有熱。消穀。小便數。今反不利。此欲作水。一寒一熱。兩出跌陽所主脈證。寒疝。腹中痛。宜溫。不宜下。下之而傷其胸中之陽。則濁滲上攻。胸滿短

氣也。內經腫滿環臍痛名風根不可動。動之爲水瀉。瀉之病風根爲陽。動之則乘陰。疝瘕爲陰。動之則乘陽。皆精義也。熱能消穀。小便數。本是瘳成消中之病。今反小便不利。此欲作水。亦可見其水必乘熱勢浸淫。無所不至。與黃汗證大同小異耳。金匱水病脈法之要。全在求責有無。盛虛有者求之。無者求之。凡屬本證兼證。胸中了然。無所疑惑矣。盛者責之。爲風爲熱。爲腫。爲痛。爲氣強。爲發熱。燥煩。莫不有脈可據矣。虛者責之。爲正虛。衛虛。營虛。經虛。絡虛。水穀氣虛。少陽。少陰。細之虛。亦莫不有脈可據矣。究竟脈者精

微之學也。昌欲傳其精微而精微出於平淡。愈推愈廣。愈求愈獲。如水病脈出者死。徒讀其文。寧不悞人。自悞乎。風水黃汗等證。脈之浮大且洪者。豈亦主死乎。惟少陰腎水其脈本沉者。忽焉沉之。烏有而反外出。則主死耳。又如營衛之虛。其辨不一。有營衛隨風火熱上行而不環周於身者。有營衛因汗出多而不固於腠理者。有營衛因穀氣少并虛其宗氣。胸中作痛者。有營衛不和於脈之內外者。有營衛阻絕於脈之上下者。有營衛所主上中下三焦俱病。四屬斷絕者。有營衛熱肘肌膚瘍潰者。一一致詳。始得其精學。

脈者自爲深造可矣。

論金匱防已黃芪湯方

本文云。風水脈浮身重汗

出惡風者。防已黃芪湯主之。腹痛加芍藥。

脈浮。表也。汗出惡風。表之虛也。身重。水客分肉也。

防已。療風腫水腫通腠理。黃芪。溫分肉補衛虛。白

朮。治皮風止汗。甘草和藥益土。生薑大棗辛甘發

散。腹痛者。陰陽氣塞不得升降。再加芍藥收陰。

論金匱越婢湯方

本文云。風水惡風一身悉腫。脈

浮不渴。續自汗出。無大熱。越婢湯主之。裏水者。

一身面目黃腫。其脈沉。小便不利。故令病水。假如

小便自利。此亡津液。故令渴也。越婢加朮湯主之。前條風水續自汗出無大熱。故用之。設不汗出且大熱。表法當不主此也。後條裏水。假如小便自利。亡津而渴。故用之。不爾。裏法當不主此也。曰無大熱。則有熱可知。曰裏水。乃軀壳之裏。非藏府之裏。可知。故俱得用越婢湯也。

越婢湯者。示微發表於不發之方也。尚論傷寒太陽第三篇已詳之矣。大率取其通調營衛。和緩之性。較女婢尤過之。而命其名也。蓋麻黃石羔二物。一甘熱。一甘寒。合而用之。脾偏於陰。則和以甘熱。

胃偏於陽。則和以甘寒。乃至風熱之陽水寒之陰。凡不和於中土者。悉得用之。何者中土不和。則水穀不化。其精悍之氣。以實榮衛。榮衛虛。則或寒或熱之氣。皆得壅塞其隧道。而不通於表裏。所以在表之風水用之。而在裏之水。兼渴而小便自利者。咸必用之。無非欲其不害中土耳。不害中土。自足消患於方萌。抑何待水土平成乎。

論金匱防已茯苓湯方

本文云。皮水爲病。四肢腫。

水氣在皮膚中。四肢聶聶動者。防已茯苓湯主之。風水脈浮。用防已黃芪湯矣。而皮水卽彷彿而用。

之前脈論中謂同一開鬼門而標中之本則微有分此方是也。風水。下鬱其土氣。則用白朮崇土。薑棗和中。皮水。內合於肺。金鬱泄之。水漬於皮。以淡滲之。故以茯苓易白朮。加桂枝解肌。以散水於外。不用薑棗和之於中也。況四肢聶聶。風在營衛。觸動經絡。桂枝尤不可少耶。

論金匱麻黃附子湯杏子湯二方

本文云。水之爲病。其脈沉小屬少陰。浮者爲風。無水虛脹者爲氣。水發其汗卽已。脈沉者宜麻黃附子湯。浮者宜杏子湯。

此論少陰正水之病。其脈自見沉小。殊無外出之意。若脈見浮者。風發於外也。無水虛脹者。手太陰氣鬱不行也。風氣之病。發其汗則自已耳。卽脈沉無他證者。當倣傷寒少陰例。用麻黃附子甘草湯。盪動其水以救腎。若脈浮者。其外證必自喘。當倣傷寒太陽例。用麻黃杏子甘草石膏湯發散其邪。以救肺。此治金水二藏之大法也。

論黃芪芍藥桂枝苦酒湯桂枝加黃芪二方

本文云。黃汗之爲病。身體腫。發熱汗出而渴。狀如風水。汗沾衣色正黃。如蘖汁。脈自沉。何從得之。師

曰以汗出入水中浴。水從汗孔入得之。宜芫芍桂
酒湯主之。黃汗之病。兩足自冷。假令發熱。此屬
歷節。食已汗出。又身常暮盜汗者。此勞氣也。若汗
出已反發熱者。久久其身必甲錯。發熱不止者。必
生惡瘡。若身重汗出已輒輕者。久久必身濶。濶卽
胞中痛。又從腰以上必汗出。下無汗。腰臑弛痛。如
有物在皮膚中狀。劇者不能食。身疼重。煩燥小便
不利。此爲黃汗。桂枝加黃芪湯主之。
兩證大同小異。前一證以汗出而衛氣不固。外水
入搏於營。鬱而爲熱。熱盛則腫而發黃。熱盛則耗

其津液而作渴。故以黃芪固護其衛。以桂枝本方加苦酒引入營分。散其水寒之邪。但衛虛多汗。不任發表。故不用薑棗協助胃氣。所恃者黃芪實衛之大力耳。後一方用桂枝全方。啜熱稀粥助其得汗。加黃芪固衛。以其發熱且兼自汗盜汗。發熱故用桂枝。多汗故加黃芪也。其發汗已仍發熱。邪去不盡。勢必從表解之。汗出輒輕。身不重也。久久身潤。胸中痛。又以過汗而傷其衛外之陽。并胸中之陽也。腰以上有汗。腰以下無汗。陽通而陰不通。上下痞隔。更宜黃芪固陽。桂枝通陰矣。黃汗與歷節

有分。陽火獨壅於上爲黃汗。陰水獨積於下爲兩
脛冷。陽火盛及肌肉則發熱。陰水寒及筋骨則歷
節痛。源同而流不同也。食已汗出者。食入於所長
之陽。與勞氣相搏。散出爲汗。乃至氣門不閉。津液
常泄。暮爲盜汗也。甲錯者。皮間枯澇如鱗。甲錯出
也。發熱不已。熱入肉腠。必生惡瘡。畱結癰膿也。腰
寬弛痛。如有物在皮中狀。卽內經痛痺逢寒則蟲
之類也。小便不利。津液從汗越也。不能食。脾胃氣
虛不能化穀也。身體重。衛氣不充分肉也。煩燥。胃
熱上薰心肺也。治黃汗之法。盡發於此矣。

論金匱桂枝去芍藥加麻黃附子細辛湯枳朮湯

本文云。氣分心下堅。大如盤。邊如旋杯。水飲所作。

桂枝去芍藥加麻黃附子湯主之。又云。心下堅。

大如盤。邊如旋杯。水飲所作。枳朮湯主之。

心下胃之上也。胃中陽氣不布。心下乃爲水飲之

陰。占據堅大如盤。阻其上下出入之坦道。祇從邊

旁。轉轉。雖總一陽氣之權。不伸所致。然有陰陽二

候。陽氣虛而陰氣乘之。結於心下。必用桂枝湯去

芍藥之走陰。而加麻黃附子細辛。其散胸中之水

寒。以少陰主內。水寒上入。卽從少陰溫經散寒之

法而施治也。所以方下云。當汗出如蟲行皮中。卽愈。可見胃中之陽不布。卽胸中之陽亦虛。胸中陽虛。并衛外之陽亦不固。故其汗出時。如蟲行皮中。尚顯陽氣滯濇之象。設非桂麻細辛。協附子之大。力。心下水寒。能散走皮中乎。水寒散。斯重雲見。覘而心下之堅大者。豁然空矣。此神治也。其有陽邪自結於陽位。陰寒未得上入者。但用枳朮二味。開其痰結。健其脾胃。而陽分之陽邪解之。自易易耳。

論海藏集仲景水氣例

海藏於治水腫一門。務爲致詳。設爲水氣問難。求

責脈之有力無力。藏沉府浮。用藥大凡。意在發明。內經仲景。其實渾是。後人窠臼。中無實得也。其云。高低內外。輕重表裏。隨經補瀉。要當詳察肺胃腎。三經病。卽瘥也。此一語。最爲扼要。然終未到家。內經明謂三陰結。謂之水。三陰者。太陰也。足太陰脾。手太陰肺。氣結不行。卽成水病。而水之源。出自腎。故少陰腎亦司之。但當言肺脾腎。不當言肺胃腎也。何也。胃不必言也。胃本水穀之海。五藏六府之大源。脾不能散胃之水。精於肺。而病於中。肺不能通胃之水道於膀胱。而病於上。腎不能司胃之關。

門時其輪泄而病於下。所以胃中積水浸淫無所
底止耳。海藏舉肺胃腎而遺脾於至理。不過一間
未達。原不必議。其治例仍以肺沉大腸浮。心沉小
腸浮爲言。此則相沿之陋也。詎知藏府各分浮沉。
而大小二腸不當從上焦分診耶。至於所集仲景
水氣例。則未窺宮牆富羨。反多門外邪僻矣。夫仲
景論雜證。於水氣一門。極其精詳。惟恐足太陰脾
之。健。運。失。職。手。太。陰。肺。之。治。節。不。行。足。少。陰。腎。之。
關。門。不。開。并。其。府。膀。胱。之。氣。化。不。行。所。用。方。藥。皆
不蹈重虛之戒。立於無過之地。海藏集仲景治肺

癰葶藶大棗瀉肺湯爲例。是欲以瀉肺之法爲瀉
水之法矣。集仲景治傷寒痞連兩脇雜證支飲在
脇之十棗湯爲例。是欲以瀉胸脇及膀胱爲瀉水
之法矣。何其敢於操刃而藉口仲景耶。不但此也。
抑且假托後人治水之峻藥。本之仲景。謂三花神
祐丸。卽十棗湯加牽牛大黃輕粉除濕丹。卽神祐
丸加乳香沒藥。玄青丹。又卽神祐丸加黃連黃蘗
青黛。集仲景之方。以傳會後人。罪不容誅矣。後來
依樣葫蘆。更改一味二味。卽成一方。不傷脾卽瀉
肺。不瀉肺卽瀉膀胱。乃致積水滔天。載胥及溺。絕

醫門法律 卷之六
無一人追悔從前用藥之咎。正以繇來者非一日耳。水病門中成方百道。求一救肺氣之臏鬱而伸。其治節之方無有也。求一救膀胱阻絕而伸其氣化之方無有也。節取數方發明備用。臨病自出生心化裁。是所望矣。

脹病論

喻昌曰。脹病與水病非兩病也。水氣積而不行。必至於極脹。脹病亦不外水。裹氣結血凝。而以治水諸法施之。百中無一愈者。失於師承。無人罔施。妄投耳。今天下醫脈久斷。醫學久荒。卽欲效司馬子長擔簦負

笈遍訪於江淮汶泗而師資果安有乎昌於斯世無
地可以着錐然而皇皇斯人不敢自外請一比類爲
後學商之仲景謂水病氣分心下堅大如盤邊如旋
杯水飲所作然則脹病豈無血分腹中堅大如盤者
乎多血少氣豈無左脇堅大如盤者乎多氣少血豈
無右脇堅大如盤者乎故不病之人凡有癥瘕積塊
痞塊卽是脹病之根日積月累腹大如箕腹大如甕
是名單腹脹不似水氣散於皮膚面目四肢也仲景
所謂石水者正指此也胸中空曠氣食尚可從旁轉
轉腹中大小腸膀胱逼處瘀濁占據水不下趨而泛

非中林所幾。和盤托出。爲引伸啟發之助。

律七條

凡治水腫病。不分風水皮水正水石水黃汗五證。及脾肺腎三藏所主。恣用驅水惡劣之藥。及禹功舟車導水等定方者。殺人之事也。

凡治水腫病。有當發汗散邪者。不知兼實其衛。致水隨汗越。浸淫皮腠。不復順趨水道。醫之罪也。

凡治水腫病。遇渴而下利之證。誤利其水。致津液隨竭。中土坐困。甚者脈代氣促。擯於死亡。醫之罪也。

凡治水腫病。遇少腹素有積塊。疝瘕。誤行發表攻裏。

致其人濁氣上衝胸胃。大嘔大逆。痛引陰筋。卒死無救者。醫殺之也。

凡治水腫黃汗證。乃胃熱釀成痺水。誤用熱藥。轉增其熱。貽患癰膿。醫之罪也。

凡治水腫病。不察寸口脈之浮沉遲數。弦緊微濇。以及跌陽脈之浮數微遲。緊伏。則無從辨證。用藥動罹凶禍。醫之罪也。

凡治脹病。而用耗氣散氣。瀉肺瀉膀胱諸藥者。殺人
之事也。

治病之藥。貴得其宜。病有氣結而不散者。當散其

結甚有除下蕩滌而其氣之結尚未遽散者。漸積使然也。今脹病乃氣散而不收。更散其氣。豈欲直裂其腹乎。收之不能遽收。亦漸積使然。緩緩圖成可也。若求快意一朝。如草頭諸方。明明立見殺人。若輩全不悔禍。展轉以售奸。吾不知其何等肺腸。千劫不能出地獄矣。

一、

又

清其全不刺
以善我昔不眠其何於眼

可亦存
一、晚收草頭帶衣何則立

髮其則
一、

動然也
一、

一、

水腫門諸方

○金匱防已黃芪湯

防已 一兩

黃芪 一兩

白朮 三分

甘草 半兩

右剉每服五錢七生薑四片棗一枚水盞半煎取八分去滓溫服良久再服

○金匱越婢湯

麻黃 六兩

石膏 半斤

生薑 三兩

大棗 十五枚

甘草 二兩

右五味以水六升先煮麻黃去上沫內諸藥煮取

三升。分溫三服。○惡風者。加附子一枚。○風水加
米四兩。古今錄驗

○金匱防已茯苓湯

防已 三兩
黃芪 一兩
桂枝 三兩

茯苓 六兩
甘草 二兩

右五味。以水六升。煮取二升。分溫三服。

○金匱麻黃附子湯

麻黃 三兩
甘草 二兩
附子 一枚炮

右三味。以水七升。先煮麻黃。去上沫。內諸藥。煮取

二升半。溫服八合。日三服。

○金匱杏子湯 未見恐是麻黃杏子甘草石膏湯

○蒲灰散 方見消渴門

○金匱黃芪芍藥桂枝苦酒湯

黃芪 五兩

芍藥 三兩

桂枝 三兩

右三味以苦酒一升水七升相和煮取三升溫服一升當心煩服至六七日乃解苦心煩不止者以苦酒阻故也。一方用美酒醯代苦酒

○金匱桂枝加黃芪湯

桂枝

芍藥

生薑 各三兩

甘草 二兩

大棗 十二枚

黃芪 二兩

水腫門方

右六味以水一斗。煮取三升。溫服一升。須臾飲熱稀粥一升餘。以助藥力。溫覆取微汗。若不汗更服。

○金匱桂枝去芍藥加麻黃附子細辛湯

桂枝

生薑

甘草

各三兩

二兩

大棗

麻黃

細辛

十二枚

各二兩

附子

一枚炮

右七味以水七升。煮麻黃去上沫。內諸藥。煮取二升。分溫三服。當汗出如虫行皮中。即愈。

○金匱枳朮湯

枳朮

白朮

七枚

二兩

右二味。以水五升。煮取三升。分温三服。腹中臞即當散也。

○實脾散 治陰水發腫用此先實脾土

厚朴

去皮 薑製

白朮

木瓜

去穰

大腹子

附子

炮

木香

不見火

草薹仁

白茯苓

去皮

乾薑

炮各一兩

甘草

炙半兩

右咬咀。每服四錢。水一盞。薑五片。棗一枚。煎七分。不拘時温服。

按治水以實土為先務。不但陰水為然。方下所云

治陰水發腫。用此先實脾土。然則其後將用何藥。即儼然陰水當補。陽水當瀉之念。橫於胸中。故其言有不達耳。夫陰水者。少陰腎中之真陽衰微。北方之水。不能蟄封收藏。而泛溢無制耳。倘腎氣不溫。則真陽有滅頂之凶矣。實土以堤水。寧不為第一義乎。方中不用桂。而用厚朴。栝榔。尚有可議耳。

○復元丹 治脾腎俱虛。發為水腫。四肢虛浮。心腹堅脹。小便不通。兩目下腫。

附子 炮二兩
南木香 煨
茴香 炒

川椒 炒出汗
厚朴 去粗皮
獨活

醫門法... 卷之... 三三三 川〇〇〇

白朮

炒

陳皮

去白

吳茱萸

炒

桂心 各一兩

澤瀉 一兩半

肉荳蔻 煨

枳榔 各半兩

右為細末。糊丸如梧桐子大。每服五十丸。不拘時。紫蘇湯送下。

按此方合前方。俱主脾腎之治。而此方溫煖腎藏之藥居多。較前方稍勝。然不用茯苓。仍用枳榔厚朴。終落時套耳。

○導滯通幽湯。治脾濕有餘。及氣不宣通。面目手

足浮腫。

水腫門方

川...

木香

白朮

桑白皮

陳皮 各五錢

茯苓 去皮 一兩

右咬咀。每服五錢。水二盞。煎至一盞。去滓。溫服。空

心食前。

按脾喜燥惡濕。脾濕有餘。氣不宜通。卽是脾中健。運之陽不足。先加意理脾之陽。俟體中稍快。用此方。退其面目手足浮腫。乃爲善也。

○胃苓湯 乃平胃散合五苓散加陳皮也

蒼朮

厚朴 姜汁炒

陳皮

白朮

茯苓 各一錢半

澤瀉

猪苓 各一錢

甘草 六分

官桂 三分

右水加生薑煎服

按此方宣導胃水。膀胱水順道而出。水患在所必用。然亦相其人津液不虧。腎水不竭。乃可用之。恐蹈重虛之律也。其遠人無病。但覺不服水土。允宜此方。

○消風敗毒散

此即人參敗毒散。合荆防敗毒散。並用也。

人參

獨活

柴胡

桔梗

枳殼 麩炒

羌活

茯苓

川芎

前胡

甘草

荆芥

防風 各一錢

水二鍾。薑三片。煎八分。食遠服。

按此方治風水皮水。凡在表宜從汗解者。必用之

劑。然仲景之用汗法。必兼用黃芪實表。恐表虛之

人。因身之水。乘表藥外湧。盡漬皮腠。反為大累耳。

此方用人參為君。固護元氣。是以用之無恐。即是

推之。元氣素虛。腠理素疎。參芪合用。允為當矣。

○加減金匱腎氣丸 治肺腎虛。腰重脚腫。小便不

利。或肚腹腫脹。四肢浮腫。或喘急痰盛。已成蠱

證其効如神。此證多因脾胃虛弱。治失其宜。元氣復傷。而變證者。非此藥不能救。

白茯苓 三兩

附子 五錢

牛膝

官桂

澤瀉

車前子

山茱萸

山藥

牡丹皮 各一兩

熟地黄 四兩 搗膏

右為末。和地黄煉蜜。丸如桐子大。每服七八十九。空心白湯下。

按本方濟生以附子為君。此薛新甫重訂。用白茯苓為君。合之牛膝車前。治腰以下之水。其力最大。

然而腎之關門不開。必以附子回陽。蒸動腎氣。其
 關始開。胃中積水始下。以陽主開故也。關開即不
 用茯苓牛膝車前。而水亦下。關闔則茯苓車前用
 至無筭。抑莫如之何矣。用方者將君附子乎。抑君
 茯苓乎。

○調榮散

治瘀血留滯。血化為水。四肢浮腫。皮肉
 赤紋。名血分。

蓬朮

川芎

當歸

延胡索

白芷

檳榔

陳皮

赤芍

桑白皮

炒

大腹皮

赤茯苓

葶藶炒

瞿麥

各一錢

大黃

一錢半

細辛

官桂

甘草

炙各五分

右作一服。水二鍾薑三片紅棗二枚煎至一鍾食前服

按瘀血化水赤縷外現其水不去勢必不瘀之血亦盡化為水矣此方只作一服原不欲多用之意但服後其水不行赤縷不減未可再服且用治血補氣之藥調三五日徐進此藥虛甚者必參附合用得大方者主持其間驅逐之藥始能建功也

水腫門方三二

○烏鯉魚湯 治水氣四肢浮腫

烏鯉魚 一尾 赤小豆 桑白皮

白朮 陳皮 各三錢 葱白 五莖

石用水三碗同煮。不可入鹽。先喫魚後服藥。不拘時候。

按此方用烏魚煖胃行水。合之赤豆葱白以開鬼門。潔淨府更合之白朮陳皮桑皮。清理脾肺。一種深心殊可採用。

○防已散 治皮水腫如裹水在皮膚中。四肢習習

然動。

漢防已

桑白皮

黃芪

桂心

各一兩

赤茯苓

二兩

甘草

炙半兩

右咬咀。每服五錢。水一大盞。煎至五分。去滓。不拘時。溫服。

按此卽仲景金匱防已茯苓湯治皮水之方。而加桑白皮也。然皮水者。鬱其榮衛乎。太陰肺氣不宜。治法金鬱者泄之。桑白皮固可加。然不可過泄肺氣。桂心固能行水。然不如桂枝之發越榮衛。大凡變易仲景之方。必須深心體會。假如榮衛通行。水道不利。又當以桂心易桂枝矣。此活法也。

○導水茯苓湯 治水腫頭面手足徧身腫如爛瓜
之狀手按而塌陷手起隨手而高突喘滿倚息不
能轉側不得着牀而睡飲食不下小便秘瀉溺出
如割而絕少雖有而如黑豆汁者服嘔嗽氣逆諸
藥不効用此卽愈亦嘗驗其病重之人煎此藥時
要如熬阿刺吉酒相似約水一斗止取藥一盞服
後小水必行時卽漸添多直至小便變青白色爲
愈。

赤茯苓

麥門冬

去心

澤瀉

白朮各三兩

桑白皮

紫蘇

檳榔

木瓜 各一兩

大腹皮

陳皮

砂仁

木香

各七錢

右咬咀。每服半兩。水二盞。燈草二十五根。煎至八分。空心服。如病重者。可用藥五兩。再加麥門冬二兩。燈草半兩。以水一斗。於砂鍋內熬至一大碗。再下小銚內。煎至一大盞。五更空心服。滓再煎服。連進此三服。自然利小水。一日添如一日。

按此方藥味甚平。而其煎法則甚奇。蓋得仲景百勞水之意。而自出手眼者。可喜可喜。

已上治水病方。後附治脹病方。九道。

水腫門方

○人參芎歸湯直指治煩躁喘急虛汗厥逆小便赤大

便黑多血脹

人參

辣桂去粗皮

五靈脂炒各二錢五分

烏藥

蓬朮煨

木香

砂仁

炙甘草各半兩

川芎

當歸

半夏湯炮各七錢五分

右咬咀每服一兩五錢生薑五片紅棗二枚紫蘇

四葉煎空心服

按此方治血脹初成者服之必効

○化滯調中湯

白朮 五分

人參

白茯苓

陳皮

厚朴 薑製

山查肉

半夏 各一錢

神麴 炒

麥芽 炒各八分

砂仁 七分

水二鍾薑三片煎八分食前服。

按此方即參朮健脾湯。加神麴麥芽。脹甚者加蘿
蔔子炒一錢。麴食傷尤宜用。乃助脾之健運。以消
其氣分之脹也。

○人參丸 治經脈不利。化爲水流。走四肢。悉皆腫

滿。名曰血分。其候與水相類。若作水治之非也。

宜用此。

人參

當歸

大黃

濕紙裹飯上蒸熟去

紙切炒

桂心

瞿麥穗

赤芍藥

白茯苓

各半兩

葶藶

炒另研一錢

右為末。煉蜜丸如桐子大。每服十五丸。加至三十丸。空心飲湯下。

按此方治血分之水。少用葶藶為使。不至耗氣散氣。殊可取用。

○見睨丸

寶鑑

治寒氣客於下焦。血氣閉塞而成瘕聚。

腹中堅大。久不消者。

附子炮去皮 臍四錢

澤瀉

木香各二錢

水蛭一錢炒 烟盡

麩炒

鬼箭羽

肉桂

檳榔二錢半

京三稜五錢 判

大黃二錢 判 用酒同 三稜浸一宿焙

紫石英各三錢

玄胡索

血竭一錢半 另研

桃仁三十粒 湯浸去皮尖

右十三味除血竭桃仁外同為末入另研二味和勻。用元浸藥酒打糊丸如桐子大。每服三十九。淡醋湯送下。食前溫酒亦得。

按此方消痰之力頗大。用得其宜。亦不為峻。

○小溫中丸丹溪治脹是脾虛不能運化不可下之。

陳皮

半夏

湯炮去皮臍

神麴

炒

茯苓

各一兩

白朮

二兩

香附子

不要
烘晒

針砂

各一兩半
醋炒紅

苦參

炒

黃連

炒各
半兩

甘草

三錢

右為末。醋水各一盞打糊為丸。如桐子大。每服七

八十九。白朮六錢。陳皮一錢。生薑一片。煎湯吞下。

虛甚。加人參一錢。各用本方。去黃連。加厚朴半兩。

忌口。病輕者服此丸六七兩。小便長。病甚服一斤。

小便始長。

按脾虛作脹。最不宜用大黃之藥。散其脾氣。丹谿

此方亦可取用

○禹餘糧丸三治十腫水氣脚膝腫上氣喘急小便

不利。但是水氣悉皆主之。許學士及丹谿皆云此方治膨脹之要藥

蛇含石大者三兩以新鐵銚盛入炭火中燒蛇黃與銚子一般紅用鉗取蛇黃傾入醋

中候冷取禹餘糧石三真針砂五兩先

出研極細淨炒乾入餘糧一處用米醋二升就銚內煮醋

乾為度後用銚并藥入炭中燒紅銚出傾藥淨

冷研細以三物為主其次量人虛實入下項治水多是取

物既非大戟甘遂芫花之比又有下項藥扶持故虛人老人亦可服

養活

木香

茯苓

水腫門方

川芎

牛膝 酒浸

桂心

白豆蔻 炮

大茴香 炒

蓬朮

附子 炮

乾薑 炮

青皮

京三稜 炮

白茯苓

當歸 酒浸一宿 各半兩

右為末。入前藥拌勻。以湯浸蒸餅。搨去水。和藥再
 杵極勻。丸如桐子大。食前溫酒白湯送下。三十九
 至五十九。最忌鹽。一毫不可入口。否則發疾愈甚。
 但試服藥。即於小便內旋去不動。藏府病去。日日
 三服。兼以溫和調補氣血藥助之。真神方也。
 按此方昔人用之。屢効。以甚其大能煖水臟也。服此

九更以調補氣血藥助之不為峻也

○導氣丸

治諸痞塞關格不通。腹脹如鼓。大便結

秘。小腸出氣等疾。功效尤速。

青皮

用水蛭等分同炒赤去水蛭

莪朮

用蚶虫等分同炒赤去蚶虫

胡椒

茴香炒去茴香

三稜

乾漆炒去乾漆

檳榔

班貓炒去班貓

赤芍

川椒炒去川椒

乾薑

礶砂炒去礶砂

附子

青鹽炒去青鹽

茱萸

牽牛炒去牽牛

石菖蒲

桃仁炒去桃仁

右各等分。剉碎。與所製藥炒熟。去水蛭等。不用。祇

以青皮等十味為細末。酒糊為丸。如梧桐子大。每

服五十丸。加至七十九。空心用紫蘇湯送下。

按此方各味俱用峻藥同炒。取其氣而不取其質。消堅破結亦能斬關而入。然病久憊甚。用之必不能勝。病勢已成。元氣可耐。蚤用可以建功。

○溫胃湯 治憂思聚結脾肺氣凝。陽不能正。大腸

與胃氣不平。脹滿上衝。飲食不下。脈虛而緊。瀉

附子 炮去皮臍

厚朴 去皮生用

當歸

白芍藥

人參

甘草 炙

橘皮 各一錢半

乾薑 一錢一分

川椒 去閉口炒出汗三分

右作一服水二鍾。薑三片煎至一鍾。食前服。

按此方變附子理中之意。而加血分藥。兼理其下。

亦可取用

○強中湯

治食啖生冷過飲寒漿。有傷脾胃。遂成
脹滿。有妨飲食。甚則腹痛。

人參

青皮

去白

陳皮

去白

丁香

各二錢

白朮

一錢半

附子

炮去皮臍

草菓仁

乾薑

炮各一錢

厚朴

薑製

甘草

炙各五分

嘔加半夏傷麵加萊服子

各一錢

水二鍾。姜三片。紅棗二枚。煎一鍾。不拘時服。

按此方即用附子理中湯。更加香燥之藥。以強其
胃。胃氣虛寒者。亦可暫用一二劑也。

人冬

○

○

○

○

○

○

○

○

人冬

○

○

○

○

○

○

○

○

○

○